

宋

會

要

全唐文

點降官六

宋會要

重和元年十一月十四日淮南路轉運使李祉降兩官以臣僚言近旨非戰陣開疆及朝廷灼見勞効而有司擅為奏者嚴為之禁近者李祉以壽春府官有勞乞降旨付已保明推賞未聞詔許而遽列姓名來上玩法慢命何以加此故有是責 十二月九日臣僚言六曹郎官五十五員謹按不容於公議者十有六人汪師心黃願汪希旦李莊李楊成禔張鎬常懷梁子誨葉椿唐作求吳直夫章芹李興權王良欽強休甫乞賜罷斥從之二十二日江西運判劉蒙放罷以臣僚論其不奉詔

令亮暴恣橫擅作威福官吏上下恐懼咨怨故也 二  
十七日軍器監鄧之綱特降一官以臣僚言之綱以答  
杖之罪減輒指定刑名止請入于流配故有是責 二  
年正月六日詔淮南被水令數下訪聞楚州山陽鹽城  
二縣餓殍萬計扶老携幼號訴盈司而常平官告諭以  
乞米未下令各歸業轉于溝壑者不少可支已截斛斗  
日下賑濟不足於隣州義倉兌換其守令提舉常平先  
次勒停受訴官及監司降兩官宣和元年正月二十三  
日詔龍圖閣學士知成都府孫義叟遠守西蜀明見用  
紅繖迎神不行焚毀落職降五官與宮觀 三月四日  
詔顯謨閣待制知中山府沈純措置乖方落職提舉江

州太平觀 二十三日提舉兩浙路常平趙霖降一官  
以增修水利不當故也 二十六日朝請大夫知房州  
李惺水次除名勒停僉書官並勒停以權京西路轉運  
判官李祐奏房州去年七月八日聞有百姓陳訴災傷  
者數百人惺將狀首劉均等各斷杖六十遍城市號令  
兼劉均年七十三歲因斷得病身死緣此阻遏放稅不  
及一釐又賑救失時致民戶流移飢殍者不少故有是  
責 二十七日直徽猷閣提點永興軍路刑獄郭允迪  
落職降兩官勒停為根究許信事公事不當故也 四  
月二日京西常平官孫延壽先次勒停均房州知通逐  
縣知縣並衝替汝州止條一邑知通各降一官以京西

路轉運判官李祐奏漢江水漲損害民田州縣不依災  
傷檢放及餓殍者衆不行賑濟故也 六日提點京畿  
刑獄朱維差提舉西京崇福宮以言者論其以病廢職  
陳留雍邱界內盜賊不戢之故也 五月四日刑部尚  
書薛嗣昌提舉西京嵩山崇福宮以奏請吏部掌格誕  
謾故也 五日禮部尚書王孝迪工部尚書王詔兵部  
侍郎蔡安持前兵部侍郎李揆新差知密州軍州事李  
繹刑部郎中陳彥恭刑部員外郎聶宇知饒州未季端  
吏部員外郎郭三益丁憂人朝奉大夫張燕開封府工  
曹何安中降官有差坐前此不覺察胥吏偽押字小書  
偽造省符偽奉聖旨等事 十一日吏部侍郎孟揆與

小郡以言者論其常諷臺臣令有所論奏故也 十五

日太府少卿盧法原前太府寺丞張錫工部侍郎前任  
戶部左曹侍郎郝庭俊度支員外郎趙鼎臣前監量料  
院賈公立陸欽彥見任監官陳居之戶部尚書王革專  
計司監官關孝思各降兩官以各不覺察人吏盜印偽  
造省符及妄僉押過盜請官錢及妄出給厯頭等事欺  
弊故也 十九日新知蘄州孟揆提舉亳州明道宮又  
責為海州團練副使郴州安置以言者論利不已故也  
二十二日秘書省著作佐郎王時雍與宮祠以言者  
論其貪污邪慝故也 六月七日孟昌齡罷兵部尚書  
依舊延康殿學士提舉上清寶錄宮提舉三山河橋坐

其子揆兼臣僚上言故也

十四日起居郎李綱送吏

部與差遣以上言京師水災援周官國危則有大詢之

禮所論不當故也

同日徽猷閣待制提舉醴泉觀葉

著落職提舉西京嵩山崇福官以携家登城觀水故也

七月十三日京畿提舉常平司觀國送吏部以水暴

漲端坐恬不介意並無措置為臣僚所論故有是命

十八日責武成軍節度使提舉亳州明道宮何訴為昭

化軍節度副使鼎州安置宣奉大夫提舉南京鴻慶宮

盛章為單州團練副使筠州安置以訴交私庭臣姦狀

暴列章泄漏省語慢上殘下背公立私故黜之八月

八日光祿寺丞鄧之光送吏部與遠小處監當時攝光

祿卿八月一日朔祭別廟之光為聞親堂弟身亡大功  
即不礙致齋行事而之光不赴省饌為御史臺彈奏故  
坐之 十一日威勝軍綿上縣令丁祖仁勒停以貪污  
不法知軍劉民瞻放罷以不按察祖仁也 十八日田  
為罷典樂為大成府樂令以臣僚言典樂在太常少卿  
之上燕樂所製撰乃塵務官耳太相違絕不冒躋如此  
故有是命也 二十八日提舉一清寶錄宮李傳落職  
提點南京鴻慶宮以言者論其附麗盛章故也 九月  
二十七日詔延安府今年三月內給香鈔與見錢鈔不  
合作兩等行使奉行不當官並降兩官 十月三日詔  
河東路提刑張宗武高公純不按銅鞮縣令孫詵非理



用刑江南西路提刑莫砥不按虔州獄官濫刑京西路  
提舉常平時道陳不按葉縣官吏不賑濟永興軍路轉  
運判官張孝純鄭集提刑郭允迪不按慶陽府戶曹鞏  
裕妄支官錢潼川府路轉運判官湯東野不按瀘州監  
押李持詐請盜鈔提舉常平王晟不按益寧縣方田官  
陳端卿貪冒不法淮南東路提刑劉燾張勤提舉常平  
顧彥成不按提刑司檢法官周元益私酤並降兩官以  
臣僚上言也 十九日詔陳克昌元補授名目可改正  
追奪臣僚言克昌家貲鉅萬交結盛章遂以轉一官恩  
例妄作外甥名目回授一官仍理選限伏望改正追奪  
從之 十一月八日詔司農寺丞張瑩輕保妄作不務

協和職事可送吏部與監當差遣 十七日詔潼川府  
士曹景錫可先次衝替根勘以用小杖子訊打雜職鄧  
宗過數目至死故也 十二月十二日秘書少監劉燾  
提舉西京嵩山崇福宮以臣僚論其昨任淮東提刑輕  
肆妄作蔑視詔條任情廢法輒入人罪故也 二年正  
月二日致仕馮浩追毀出身以來文字除名勒停初項  
送永州編管以臣僚論其兇暴姦惡死有餘責故也  
二月二十七日詔戶部尚書唐恪姦回失職奏報虛誕  
可與小郡 四月十一日權發遣鳳翔府孫漸降一官  
衝替以秦鳳提舉常平湯東野中有旨將舊鐵錢與夾  
錫依舊銅錢二文一等行使孫漸奉行不虔故也 五

月六日高得仁李麟並特勒停大理寺卿少刑部長貳郎官並各降兩官得仁麟並坐前任寺官以失斷婦人流配卿少有失點檢致誤省部依斷因言者論列以示懲戒故有是命 七月二十八日徽猷閣待制知潭州趙嶠落職提舉江州太平觀以不奉詔便道之任輒至京畿故也 八月十八日新授徽猷閣待制鄧之綱責授英州別駕韶州安置以開封府勅到之綱任軍器監日袞衣乘轎出入往宗子家及臣僚論其修軍器名色多有欺弊故也 十九日知南康軍王賓提舉台州崇道觀以賓前為御史勘鄧之綱獄觀望故也 二十日吏部尚書蔣猷除徽猷閣待制與郡給事中傅墨卿除

右文殿修撰與宮祠以言者論其朋附也 二十三日

知饒州蘇燁差提舉建州武夷山冲祐觀言者論其性質姦狠加以衰耄故也 二十四日戶部郎中陳彥恭

送吏部與監當以其朋邪懷異也 二十六日慶遠軍

節度使知東平府林樵罷節度使授正奉大夫提舉毫

州明道宮臣僚論其往守東平今移大名陵轅官吏恣

行吞噬故也 二十九日御筆新知鄂州陳彥和上殿

奏陳幸謬可送吏部與監當差遣以誠安作 九月五

日詔楊通除淮西提舉學事指揮更不施行以臣僚論

通學術膚淺平易之字尚或不識昨者陸辭劄目所論

柱斧乞行禁約乃以柱為主且曰主為君道斧象君德

竊聞祖宗以來京朝官以上許用柱斧執綬各有儀禮  
蓋民社之寄既重非此則無以示等威況柱斧之制率  
以水晶銀銅為飾即未嘗有以斧形者儒師領袖不可  
冒居故罷之 十四日詔淮南運河淺澁漕臣陳仲宜  
坐視送吏部與監當 十二月十一日詔秘書省正字  
潘宗四送吏部以言者論其自陳請乞遷除故也 三  
年正月四日知滋州仁懷縣令秦母蕃放罷以耳疾重  
聽職事不修新民熟老無所赴訴故也 二月四日徽  
猷閣待制新知青州趙寔責授雷州別駕言陽軍安置  
以前任杭州方臘犯城失守故也 五日潼川府路計  
度轉運副使盧知原放罷以言者論知原於本路私置

邊壘厚增賦稅故也

同日

華宅諸王府贊讀黃冠

送吏部以言者論其講議不職故也

十八日詔司農

寺稽滯諸軍馬料支帖少卿李文仲羅選特降兩官

二十四日詔俞嗣身為監司首先挈家避賊動搖人心

特追毀出身以來文字除名勒停送永州編管 二十

九日朝奉大夫方邵除名勒停筠州編管以言者論邵

強奪同郡王之才舍屋怒其不從又彎弓射其門之才

訴于憲臺具陳邵居鄉不法凡六十餘事故有是責也

三月二日詔知貢舉趙野黃齊郭三益分散試卷差

互並無措置各持贖銅十斤 二十七日直徽猷閣京

西路轉運副使時道陳落職送吏部以言者論其酷虐

害民故也

四月七日知東平府壽張縣孔端節德州

司錄梁敦禮朝請大夫祖翔范澄新提舉京兆府路常  
平呂希萃新通判永寧軍蘇羣致仕王梓承議郎彭師  
心通判邵州祖德恭通判階州鄭祖吉開封府工曹王  
陟承議郎孫擴朝散郎呂直夫監事材場安愚之忠翊  
郎梁師德各降一官大理寺勘到黃中正等冒請左藏  
庫官錢端節等嘗任京東排岸監官八作司監官糧料  
院監官專勾司監官西八作司監官並不點檢覺察致  
有冒請故皆坐之 十八日御筆虞防所上書皆耳刺  
已行之事亂有稱述希命納諂不類士人可罷管勾南  
京留守司御史臺送吏部與小處監當 十九日吏部

員外郎鄭滋司封員外郎張恣各降一官臣僚上言省  
曹寺監官吏怠墮職業一付胥吏之手動涉歲月如許  
岐任亳州永城縣尉日合得減年磨勘經隔十五年不  
為出給公據有如吏部右選者趙士侗乞封母經隔七  
年不為施行有如司封者欲望特賜黜責故有是責

二十五日知鄧州崔彪勒停以月支軍糧稽違故也

二十八日岳州當職官特降一官以湖北路提點刑獄

司奏岳州虛申起發宣和元年分上供細絹拖滯故也

五月四日徽猷閣待制提舉南京鴻慶宮徐鑄落職  
以先知杭州修蓋蔡京私第出納違法故也 十三日  
大理卿宋伯友少卿聶宇各降一官丞元稹評事蘇恪



各特降兩官以斷役兵梁俊作賊不當故也

理見大門

閏

五月二日右文殿修撰淮南發運副使趙億可落職管

勾江州太平觀以職事不脩開河催促綱運踈謬故也

五日承信郎馬獻追見任一官勒停以耀州奏獻前

任迪功郎邠州儀曹準告換承信郎為不意換授武官

罷見任職事並不即時謝恩將告擲于地并于謝恩時

依舊只著綠公服故有是責 同日朝奉大夫管勾江

州太平觀趙億勒停以前為發遣副使奉職不虔黜責

尚輕故也 十八日徽猷閣直學士太中大夫張莊降

兩官以前知東平府城壁推圯修治滅裂故也 六月

十五日江淮荆湖等路發運副使林虎降一官以前為

江淮漕臣賑濟失職故也 七月八日廣東運判鄭良  
降一官知連州馮齊荀特勒停坐充職陳十二燒劫民  
居作過齊荀在任並無措置及州指使李昌甫捕斫陳  
十二齊荀乃妄奏為已功鄭良保奏不實故併坐之  
同日詔直祕閣河北路轉運副使李昌孺落職送吏部  
以言者論其攝帥中山廉聲不聞故也 十一日詔祕  
書省正字秦坦開封府刑曹劉汲送吏部與遠小監當  
以兩人公然對衆妄詆國政怨謗故也 同日朝奉郎  
盛升追毀出身以來文字除名勒停先是臣僚論升寓  
止寧凌縣假民產以居不償債直又挾恨箠打陳興死  
而復蘇以劒傷其腿股終致身死令提刑司取勘得實

故也 八月八日詔趙霖興修水利多是誕謾其州縣  
補官冒賞人並追奪 同日内侍省祇候内品楊州建  
隆寺章武殿香火使臣趙舜輔勒停以言者論其彊買  
民田干預郡事故也 九月三日前知建陽縣鄧時特  
貸命免真决除名勒傳送蘄州編管以建州推勘到貪  
贓等事 十月二日顯謨閣待制新知德安府王仲疑  
落職提舉亳州明道宮發運使秦仲疑昨任越州日拋  
糴錢物等不明白故也 八日知徽州李恪除名勒停  
送潭州編管餘責降有差以方臘寇城恪棄職逃避也  
十九日新除徽猷閣待制知慶源府董耘除集英殿  
修撰知深州以言者論其猥薄躁競節行不修故也

二十二日大理寺正尉遲紹先降一官臣僚上言梁俊  
公事大理寺引用條法不當承評各降兩官長貳及連  
簽丞評各降一官而正獨不降罰之坐第恐前日敕文  
偶失該載紹先當時實與簽書伏望一例降官施行從  
之 二十七日太僕卿王亶提舉江州太平觀以言者  
論其挾相術奔競交結故也 十一月二十六日北承  
司官張光懋并恩州知通州清河縣令佐各降一官以  
河決恩州清河第二埽故也 四年二月二日兵部侍  
郎黃齊新知蘄州梅執禮各降一官以朝獻景靈宮次  
詣熙文殿班列已定而二人獨後為臣僚所論故也黃  
齊續奏乞黜差知通州 三月二十一日詔提舉南京

鴻慶宮賈禋提舉河北糴使張琰朝請郎陳靖直奉議  
郎江家平江府戶曹劉茂年密州司錄朱瑞新陝西路  
轉運司準備差使趙子品各降一官長州縣尉章昭亮  
勒停並坐前任平江府官獄吏出入死罪失覺察故也  
四月五日直秘閣前知宣州俞彥可落職送吏部與  
監當差遣以彙所奏妄論九疇之序學術迂僻又犯廟  
諱二字不空關點畫亦不用貼黃顯屬昏謬故也 六  
月九日新知宣州應安道提舉江州太平觀以言者論  
其誕謾欺罔贖貨營私故也 二十一日新知河中府  
田登提舉西京嵩山崇福宮以言者論其守郡輕脫人  
所嗤鄙故也 二十四日知宿州林虎降一官以前為

發運副使不中糴本數目侮慢失職故也 七月十二  
日吏部員外郎楊信功送吏部與遠小監當坐前治郡  
乖誤故也 二十八日通侍大夫相州觀察使和詵青  
授濠州團練使筠州安置以童貫奏詵玩寇誤國改也  
八月二十三日詔新同州司戶曹事范燾上書狂妄  
送吏部與廣南遠小監當 九月五日前提舉亳州明  
道宮宋昭除名勒停送廣南編管以上書狂妄前後反  
覆故也 十二月三日徽猷閣待制知襲慶府錢伯言  
落職提舉南京鴻慶宮以託疾避事故也 八日龍圖  
閣直學士知杭州蔡薏提舉南京鴻慶宮以言者論其  
任意用刑判詞鄙陋因事中人取其財以修城故有是

命 十一日直徽猷閣提點京東西路刑獄梁楊祖落  
職提舉亳州明道宮以言者論其建議修東平府城壕  
欲浚及泉又乞用明年及次年春夫輕作寡謀故有是  
命 二十四日金部郎中林冲之謝彥中並送吏部以  
言者論其同僚交訟有害士風故也 五年正月二十  
七日直龍圖閣薛尚志落職送吏部以言者論其輕僇  
無士行故也 二十八日知滁州唐恪提舉南京鴻慶  
宮以言者論其于隣郡營私第搔動一方故也 二月  
二十五日知汝州李敦義管勾南京鴻慶宮以漕司劾  
其昏耄廢職故也 三月十七日殿中少監李佖降兩  
官管勾亳州明道宮以言者論其任將作監日盜用修

宜春苑錢故也 二十一日江南東西路提舉鹽香官胡說可先次降三官以私煎盜販公行妨阻客旅及推行新鈔以來並無申陳措置故也 同日兩浙鹽香官詔降兩官 六月十五日中書舍人王絢降一官以言者論其夏祭大禮行事奔趨後時故也 二十一日權知巴州熊倩降一官以前任提點坑冶鑄錢有連州衙皂黃瑗妄將同官銅場地改改名妄作新地告發尋委官體究不實黃瑗特追毀元補授官倩時僉書保明故有是命 七月五日大理卿宋伯友降兩官以刑部劾其上編斷例不輕刑部違紊官制是也 九日知瀘州劉亞夫放罷以接納溪州田才順搔擾冒賞坐事故也



十一日兵部尚書陸德光提舉江州太平觀以其交通近習嘗觀言事故也 二十四日詔胡師文復顯謨閣待制蔣彛贈徽猷閣待制指揮勿行以言者論二人愴佞師文不宜居法從彛不當被卹典也 八月一日詔延康殿學士知福州劉黼落職提舉南京鴻慶宮先是御史中丞陸德光被旨根治劉延慶公事而黼私謁德光為言者所論故也 四日提舉江州太平觀龔山責授崇信軍節度副使衡州安置臣僚上言山自罷開封退處臨川于撓州縣營第城中皆丁夫供役有隣田其人孤幼給其立券之後一文不與故有是責 十三日檢校少保安德軍節度使醴泉觀使李穀責授岳

陽軍節度副使致仕以言者論其子雍奏乞析居而歿  
遂逐之不以為子慈孝兩失故也雍亦追毀出身以來  
文字放歸田里 十五日主客郎中賈鎮送吏部以言  
者論其嘗為都水監胥吏故也 二十五日管勾步軍  
司公事王元提舉西京嵩山崇福宮以言者論其朋附  
權貴沽譽希進又招刺老弱充軍故也 二十九日大  
名尹王革為延康殿學士提舉西京嵩山崇福宮以治  
郡慘酷無狀捕盜措置乖方故也 九月十三日徽猷  
閣待制提舉萬壽觀蔡條勒停以言者論其撰西清詩  
話學術邪僻多用蘇軾黃庭堅之說故也 十月八日  
詔諸路漕臣呂滌徐閔中陳汝錫李侂並落職俞賔向

子謹各降兩官范仲柴夢李孝昌各降一官蔡傑蔡蒙  
休胡端平鄭待問各降一官衝替以上供未到額斛數  
多有誤中都歲計發運司官坐視並不措置故也 十

一月十一日惠柔民可罷殿中侍御史柳約罷著作佐  
郎以差充府監發解別試所試官具武士合格字號奏  
聞數內係內舍試上舍試卷其當行人却誤用外舍試  
內舍印子致有差錯故也 十三日知撫州留帖令致  
仕以聶山撓州政每事曲從故也 十五日度支員外  
郎袁炳監左藏西庫賈公彥各降一官以戶部違定限  
不支俸錢時於權貨務撥見錢應副故也 二十一日  
太府少卿李著太府寺丞胡欽之各降一官以兆州守

樂人兵唐突車駕言得功支賜太府寺未與支給故也  
二十九日詔右文殿修撰河北燕山府路轉運副使  
王子獻剋刷廂軍等輒經兩月畧不措置可落職十  
二月十七日詔勘會官員緣罪衝替放罷後來結斷元  
犯罷前任即不合更罷後任若前任已滿或因事故未  
差衝替放罷者合罷任後令吏部申命行下同日靜江  
軍承宣使致仕李宗振降三官給全俸指揮更不施行  
以言者論其本胥史奴才比使宣撫東南恢復燕薊而  
宗振居幕府招權恣橫旁若無人故也二十一日太  
常博士汪叔詹送吏部以言者論其哀疾中訟于徽州  
乞治言新城之不便者惟以便已故也宣和六年二

月六日實文閣學士知河中府程唐落職提舉南京鴻慶宮以言者論其交結貴臣營私射利故也 二十八日太常少卿蘇元老秘書少監洪文並罷與外任宮祠以言者論元老乃軾之從孫文乃黃庭堅之甥也 閏三月二十二日權貨務官并大觀元豐左藏東庫官常撫洪彥桂袁州遂寧府買納官並各降一官知通令辰及當職官各罰銅二十斤以納到春衣細絹布紬薄陳爛故也 二十五日應天尹葉著提舉西京嵩山崇福宮以治郡無狀故也 四月二十四日詔龔況上殿奏對疎謬人材闕冗送吏部 九月十三日直龍圖閣鄧紹密落職送吏部以言者論其貪污又為譚稹所薦故

也 十月二十七日吏部侍郎王時雍御史中丞何求  
並為徽猷閣待制提舉西京嵩山崇福宮中書舍人韓  
駒為集英殿修撰提舉江州太平觀以三人俱元祐曲  
學故也 十一月三日吏部尚書盧法原延康殿學士  
提舉上清寶錄宮何志同並為顯謨閣待制提舉西京  
嵩山崇福宮工部侍郎賈安宅提舉亳州明道宮中書  
舍人張志提舉杭州洞霄宮高伯辰提舉南京鴻慶宮  
給事中檀倬中書舍人胡松年並提舉江州太平觀起  
居郎周禹亨送吏部皆以言者論其朋附王黼規搖時  
政故黜之 同日徽猷閣待制提舉西京嵩山崇福宮  
王時雍集英殿修撰提舉江州太平觀韓駒並落職以

言者論其責輕故也 十九日尚書右司員外郎宋孝  
先送吏部以言者論其人才凡庸故也 二十一日河  
東路轉運副使韓樞陝西路轉運副使王澤淮南東路  
轉運判官向子諲淮南西路轉運判官俞嗣成成都府路  
轉運判官蘇覺童川府路轉運判官梁子京夔州轉運  
判官李定並放罷內帶職人落職皆以前用事者選任  
非人臣僚論列故也 二十三日詔知東平府李延熙  
差管勾南京鴻慶宮知深州向子伋知磁州賀希仲並  
送吏部以言者論延熙嘗知密州楮克諸色錢以入公  
使庫子伋嘗為京畿常平提舉方田不均虛增賦稅希  
仲曾任河北監司凡所薦舉使其私僕干求百出故皆

罷之 十二月四日直祕閣兩浙路轉運副使曾諫落  
職送吏部大晟府典樂劉谷瑞送吏部國子祭酒符存  
誠放罷以言者論議職事弛廢谷瑞貪鄙冒進存誠狠  
愎自大故也 八日直祕閣新知鼎州宋晦提舉江淮  
荆浙等路坑冶鑄錢沈公彥並送吏部晦仍落職以言  
者論其貪鄙無行故也 十一日龍圖閣直學士知成  
都府王復提舉西京嵩山崇福宮顯謨閣待制知鄧州  
葛勝仲提舉江州太平觀並落職祕閣修撰提點河北  
東路刑獄李孝楊直祕閣提點河北西路刑獄陳隆壽  
直祕閣提點淮南東路刑獄徐閔中直龍圖閣提點淮  
南西路刑獄雷壽松提點福建路刑獄俞尚並落職送



吏部知懷州李罕知相州何漸知慶源府趙令應直秘閣蘇之悌並送吏部皆王黼黨也 十六日尚書都官郎中尚瑜送吏部以言者論其病不勝任素無廉稱故也同日顯謨閣待制提舉西京嵩山崇福宮何志同落職以言者論其被責怏怏遲留近邑意欲營求復居賜第故有是命 十八日詔國子祭酒蔣存誠放罷以言者論其主張僻學故也 七年正月五日詔太常少卿高景雲別與差遣以臣僚論列也 十八日徽猷閣待制提舉確貨市易務魏伯弼落職以動搖益法故也 二十二日徽猷閣直學士陝西路都轉運使趙子直落職提舉亳州明道宮以朋附權勢將漕失職故也 二

月七日京西轉運副使直祕閣朱彥美放罷取勘臣僚  
論彥美以州縣漕司錢物徙置僻左小邑貯之別庫悉  
皆移牒徑取謂之筆帖前後非一莫可考驗所起官錢  
則縱吏為虛作券鈔折會盜請既為告者暴其罪彥美  
不即案治故有是詔 四月六日提舉上清寶錄宮兼  
侍讀蔡條罷侍讀提舉亳州明道宮以其僻學邪見除  
通英非所宜也繼又詔條出身敕可拘收毀抹 同日  
詔罷開封尹燕瑛落龍圖閣直學士與在外宮觀以不  
戢盜賊革殺之下白晝殺人故也 十八日提點江南  
東路鑄錢王闌除名勒停以其貪墨因巡歷賈販盜取  
官錢提刑廉訪驗治有迹故也 十九日京正少卿李

積中送吏部以元符末上書詆誣先朝故也 二十一

日吏部尚書葉夢得提舉南京鴻慶宮試給事中翟汝文提舉江州太平觀中書舍人李璆提舉亳州明道宮中書舍人曾開提舉杭州洞霄宮吏部侍郎葉惲提舉江州太平觀薇猷閣待制知海州錢伯言落職提舉亳州明道宮御筆夢得害風教汝文狂率璆小人開傲忽弗恭惲無狀錢伯言誕謾故有是命亦以蔡條之黨也

同日龍圖閣學士蔡條落職奉御筆條妄意建議請創置式貢司于宣和庫張官置吏又分六庫以括四方之幣萬民之貢凡金玉文織與良貨賄下至衽席床第皆隸其中又欲空府庫之所有以實之違典式興聚斂

屈國用啟私藏陰懷姦諛公肆狂率故有是命尋又詔  
條罪大責輕特勒停 二十六日中書舍人張灝提舉  
亳州明道宮提舉亳州明道宮韓招責授海州團練副  
使黃州安置以言者論灝致身掖垣尚領宣和庫式貢  
司陰助條姦謀招恣藉條勢肆為姦慝祠宮自便猶為  
輕典故有是命也 同日詔姜剛之郭孝友張翬並送  
吏部李弼孺與外任差遣並以附麗蔡條故也 二十  
七日宗正少卿董濬放罷徽猷閣待制新知濟南府陳  
彥文提舉江州太平觀以言者論濬附會蔡條進用起  
躡彥文天資克悍治郡無狀故也 五月二日詔孫默  
除陝西轉運副使石幟知解州指揮並勿行以言者論

默殘忍不法賊阻僧小人故也

六月十三日詔兵部

員外郎李棟送吏部以言者論其傾邪反覆也

同日

開封府右司錄呂瓘士曹李敏能並放罷以言者論瓘敏能為燕瑛薦引專權不法故也

二十一日權知邠

州不諒放罷差管勾亳州明道宮近緣張確依舊知邠州不諒別與差遣奏乞終滿今任已而張確除知解州臣僚論不諒輒作急速文字徑赴入內內侍省投進緣近歲邊防機密或寇盜竊發急於奏取聖裁始有徑赴入內內侍省文字號為直達未聞以私事直達奪人差遣者也故有是命

七月十二日延康殿學士提舉西

京嵩山崇福宮薛嗣昌降充徽猷閣待制臣僚言奉御

筆嗣昌有轉一官回授恩例未經行使可依陳彥修男  
陳章例特許回授與男昶改合入官檢會陳章改官元  
降御筆未嘗有用父回授之語况吏部又有回授不許  
改官之法嗣昌自知回授恩例與選人改官輕重不倫  
故啟擬之間妄稱有例以罔聽聽伏望追奪薛昶已改  
之官正嗣昌罔上之罪故有是命也 八月三日提舉  
潼川府路常平汪叔詹放罷以言者論其操行狂妄罷  
歸銓部擬官未赴遽升使指故有是命也 十月十七  
日詔高拱依舊通判衛州前降知秀州指揮更不施行  
以言者論其趣操卑猥治行無聞累任憲司屢以失職  
降秩故也 二十三日詔江淮荆湖等路提點坑冶鑄

錢湯夢觀林拯並送吏部以言者夢觀貪虐拯污謬故也十一月十八日詔權發遣興元府李士式差管勾江州太平觀永不得與知州軍差遣以臣僚論其視事之初惟供給是務配歛民戶勒賣醋錢以入公使庫致人戶遠詣臺省論訴兼入仕以來獲罪非一也二十二日知濠州連南夫降一官以言者論其與凡爭論訟十七年不葬其親及知濠州乃因謝表文過飾非無所忌憚故也二十三日詔汪希旦前降復職指揮更不施行送吏部以臣僚論希旦貪污不法狼藉有聲頃知泗州無罪死於獄者三十餘人張汝舟蓋常發其貪污錢景述向子諲俞嗣常同奏其不法故有是責欽宗

靖康元年正月三日寧遠軍節度使朱勔放歸田里續  
詔安置廣南籍沒財產以言者交章論其罪惡荼毒天  
下猶未正典刑故特有是命 同日太傅楚國公致任  
王黼責授崇信軍節度副使永州安置仍籍沒資產先  
是臣僚言姦臣賊子如四凶者蔡京王黼童貫梁師成  
李彥朱勔黼欺君罔上蠹國害民朔方之釁黼實啟之  
故有是責 二月十八日太保領樞密院事蔡攸可特  
授太中大夫提舉亳州明道宮以幽薊之役攸為宣撫  
使進功誤國造怨結禍致言者論罪故有是命 二月  
十九日保和殿大學士孟昌齡延康殿學士孟楊龍圖  
閣直學士孟揆並落職昌齡與在外宮觀楊依舊權領



都水監職事揆候措置橋船了日取旨以言者論昌齡  
父子相繼領水衝職過惡山積結內侍為之與主超取  
名位不知紀極及首建回大河之勢漂沒生靈身不在  
公遙分爵賞每興一役乾沒無數莫能鉤考故有是責  
二十七日又降昌齡為中大夫楊揆為中奉大夫六月  
二十七日又責授昭信軍節度副使袁州其子楊海州  
團練副使全州揆黃州團練副使永州安置知磁州孟  
持落直徽猷閣放罷復有論列也 二十一日詔朱勔  
令衛州居住其子慶陽軍承宣使汝賢靜江軍承宣使  
汝功妹華州觀察使汝揖明州觀察使汝舟並與武功  
大夫朝奉大夫直龍圖閣汝翼落職並致仕第閭門宣

贊舍人勛子汝文汝明孫締繹約絢緯綬閭門祇候綽  
紳並罷閭職 四月十七日勛移韶州羈管子汝賢全  
州汝功復州汝文峽州汝明建昌軍姪汝楫 州汝舟  
臨江軍汝翼歸州弟勛撫州並居住逐人子並令隨父  
前去追奪朱冲朱勛官爵以臣僚言人臣之罪莫大於  
僭逆按劾於私家建神霄殿凡節朔郎吏與監司經由  
皆朝拜于其家大逆不道迹狀明甚今父子皆衡州一  
處典刑未正望肆諸市朝與衆棄之散遣其子孫授之  
四裔故有是責 二十七日戶部侍郎鄭望之提舉毫  
州明道宮以言者論其和議為非又除授不當故也  
三月一日兩浙提刑王仲閏淮南轉運使俞嗣知秀州

周審言落職前發運判官陸寘兩浙提刑胡遂平江府  
通判許操司錄周杞知常熟縣宋晦並送吏部以言者  
論朱勔父子肆行姦惡仲閔等刻剥民力助其凶焰乞  
行窮治重賜黜責故有是命 十六日詔元主和議李  
邦彥奉使許棄河北地李稅李鄴鄭望之並罷黜 十  
七日詔兩浙州縣應交通朱勔害民官吏並令本路漕  
臣體究放罷二十三日詔江南轉運使曾紆福建轉運  
使趙岍唐績提舉市舶張佑提舉廣東鹽香黃昌衡提  
舉京畿常平陸案並罷送吏部內有職者奪之以言者  
論皆緣交結權倖蠟取名位邪佞凶狡素無廉聲皆不  
足以當一道之寄故也 二十四日監察御史胡舜陟

言西清次對之官天子侍從也非文學足以脩顧問德  
望足以儀朝廷者豈容冒居自崇寧以來宰相之子例  
為此官既除修撰即遷待制有如階官指日轉行名器  
之輕如此祖宗時宰相子官至正郎者猶少趙普王旦  
為相十二年子猶白身此蓋不欲使貴胄與寒賤爭進  
至蔡攸始為待制士論駭之其後乳臭童稚日未知書  
綺襦竹馬方務嬉戲而官已列禁從矣蔡京王黼之子  
今已落職而鄭居中之子修年億年劉正夫之子阜民  
阜民余深之子日章白時之子彥暉或為待制或為直  
學士望悉褫其職以協餘論從之 同日延康殿學士  
知廬州王孝迪落職提舉南京鴻慶宮以言者論其初

無他長徒以李邦彥姻家驟至執政故有是命 二十

八日朱勔安置廣南籍沒財產以言者交章論其罪惡

荼毒天下放歸田里未正典刑故有是命 三十日蔡

京責授崇信軍節度副使德安府安置以言者論其懷

姦誤國之罪願亟行竄逐以慰天下公議故有是責

同日江淮荆湖制置發運使宋喚落徽猷閣待制與在

外宮觀以言者論其懷姦為惡反覆離間黨庇姻家蔡

攸故黜之 四月二日王子獻送吏部韓宗胃劉愿王

游並放罷時子獻任監司宗胃任郡守愿游任縣令以

言者論嘗助李彥廷由京東西大害于民殘孽未殄宜

正典刑故有是命 八日直祕閣京西路轉運副使陸

宰落職送吏部知陝州王復放罷以臣僚言河陽鄭州  
當兵馬之衝宰為漕臣未嘗過而問復臨民無狀蓋王  
黼童貫之僕隸不宜典司方面故也 同日通議大夫  
提舉杭州洞霄宮蔡行責授昭化軍節度副使襄陽府  
安置以御史臺根究到行擅去朝廷逃歸東南故也  
十五日工部侍郎馮溫舒提舉南京鴻慶宮顯謨閣直  
學士知平江府李倫落職提舉華州雲臺觀坐附會朱  
勛故也 十七日蔡京移衡州安置重貫責授昭化軍  
節度副使郴州安置御史中丞陳過庭言蔡京王黼童  
貫造為亂階均犯大惡然竄殛之刑獨加於黼而京貫  
止于善地安置罪同罰異故也 同日知青州宇文虛

中罷赴闕以言者論童貫始開燕薊虛中嘗為叅謀靈  
國喪師招納叛亡結成邊患皆虛中主其謀後詭說求  
使虜帳懷姦誤國大逆不道望賜流竄時召赴闕故罷  
之 十八日詔知鄆陵縣張膺可除名勒停以虜入寇  
乃稱母喪輒去官守虜退復就職故也 二十二日顯  
謨閣直學士葉著降待制徽猷閣待制馮躬厚劉倜降  
祕閣修撰直龍圖閣王辟疆辟光萼立經直祕閣提舉  
河北東路茶鹽霍知白並落職提舉三門白波輦運趙  
奇開封府儀曹孟鉞將作少監宋晟放罷郭南仲徐時  
彥依放罷人例皆以蔡京攸王黼王安中孟昌齡之子  
弟親戚言者論其傾附為之心腹未蒙斥免故皆責之

二十九日詔蔡京童貫朱勔久積典憲衆議不容京  
可移韶州貫移英州勔移循州攸責授節度副使永州  
安置以御史中丞陳過庭論列不已也 同日詔承議  
郎直龍圖閣高堯明追五官勒停提舉南京鴻慶宮馮  
溫舒勒停以閤門言其不曾辭朝故有是命 五月一  
日詔蔡京朱勔子孫已分送湖南如夔路州軍數少分  
送江西遠地於是蔡行移洪州脩潭州修衡州條邵州  
並安置緝沅袁州徽道州朱汝功移桂陽監汝文郴州  
並居住其子各令隨侍唯蔡絛以駙馬都尉免竄 十  
一日徽猷閣待制蔡佃落職提舉江州太平觀筠州居  
住以臣僚論其為京攸近屬而賦污姦佞賊害無辜故



也 同日知汝州謝兢知蘄州楊煥工部郎中滕茂實  
明堂令宋惠直並送吏部與監當差遣坐前為明堂令  
收楷書俸入已故也 六月四日詔頭謨閣待制葉著  
祕閣修撰馮躬厚劉倜並落職以言者論其前雖降職  
未厭士論故也 同日詔种師中下統制將佐各降五  
官以河北東路宣撫使劉韜言師中榆次不利兵馬潰  
散統制將佐逃遁不應援致主帥死事乞重立賞捕雖  
遇恩數必行軍法故薄責之 十四日金部員外郎陶  
恂送吏部以往淮南催綱不反命故也 十五日廣東  
西路提點刑獄劉仿廣西運判方略並放罷以言者論  
蔡京父子貶詔潯二州方略皆親黨一旦持節似欲與

蔡氏為地故黜之 十八日資政殿學士蔡懋落職以  
言者論其以父確事迹妄加增飾誣詆宣仁聖烈皇后  
及諂附蔡攸以得執政故也 十九日詔追故徽猷閣  
直學士通議大夫應安道職仍奪兩官以言者論其生  
前過惡故也 二十七日詔河東制置使姚古責授節  
度副使廣州安置以御史中丞陳過庭論古自太原被  
圍古提重兵于威勝隆德逗遛弗進致种師中之失利  
虜方圍太原未有一騎一卒敢窺南北関古輒退師威  
勝士庶叩馬懇訴願共守禦古乃夜半遁去故有是責  
七月四日知威勝軍詹石遠勒停仍取勘坐冠至逃  
遁故也 九日宋曠責授單州團練副使永州安置以

言者論其朕親奸邪冒居華近妄造語言以肆欺罔故  
有是責 十一日詔移蔡京于儋州攸于雷州令開封  
府差人管押前去以臣僚累章論其陰賊姦惡罪釁彰  
著天地所不容載乞投畀海外故也 十二日詔童貫  
罪大責輕可移吉陽軍安置 十九日追貶故觀文殿  
學士林摠為節度副使以臣僚論其為蔡京死黨罪不  
在京下故有是命也 二十一日詔蔡脩責授昭信軍  
節度副使脩脩徽猷衍杭衛嶠嶼嶧嶧並勒停并京已下  
子孫等二十三人遇有大赦不許量移可布告中外  
二十六日徽猷閣待制知越州李邴落職以言者論其  
朋附王黼中傷善類故也 同日前京東轉運副使王

子獻前知淄州毛孝立前東平通判呂岷前京西轉運使任彥輝前提舉常平李端願劉寄並令吏部直注遠小監當以言者論其奴事李彥姦姦害民雖已落職送部止退居鄉里不肯赴調故也 同日詔移蔡條白州蔡行柳州 二十八日詔自即位之初未有論列蔡氏者李擢首言之令李光謂召擢不當職顯與蔡氏為地可送吏部與小郎移蔡佃梅州居住葉著勒停既而亦令洪州居住 二十九日詔特進觀文殿大學士致仕余深落職先是深以少傅鎮西軍節度使乞納節致仕有旨許守元官職於是臣僚言昔張懷素以邪道姦惑妄言禍福蔡京呂惠卿師事尤謹其後懷素謀不軌事

覺時深為御史中丞力為掩覆之京之姦謀詭計無不與始終朋附無如深比今雖已納節鉞而學士之優職特進之崇階皆非其所當得故有是命 同日詔沁源縣令曹統銅鞮縣孟雍並先次勒停令所在州軍收捉枷項送本州使喚以河東勾當公事折彥質言虜犯威軍界統雍並皆逃遁不還乞嚴行誠勵故也 八月二日通判南劍州蔡倬時勒停仍令諸路監司凡州縣吏有係蔡京族屬奏官而不通世務與姦者並放罷具名以聞以臣僚論也 六日屯田員外郎程瑤前侍御史李光並送吏部與遠小監當以言者論其朋附蔡攸黨故蔡京故也 八日知葉城縣王澣勒停魯山縣李

士渙中都縣丞王隨廣濟河都大輦運江惲濟州通判  
錢械汝周通判宋憲並送吏部與遠小監當以臣僚論  
其諂附朱勔李彥供其役使故也 十一日劉寄任彥  
輝呂岷毛孝立李士渙王隨江惲錢械宋憲王子獻各  
更追兩官曾訴許珪劉願吳子奇送吏部與遠小監當  
以臣僚論其皆朱勔黨與前責尚輕故也 十四日中  
散大夫徐克溫降兩官以言者論其奴事朱勔昨知黃  
州賊污刻剝故也 十七日知荆南李偃落職提舉毫  
州明道宮以言者論蔡京與子攸得罪至州以公庫供  
饋阿附故也 十九日該都統制折可求降兩官張思  
正等令李綱體度輕重降奪官資依舊軍前使喚責以

後劾以河東察訪使張瀨言可求等與金人合戰潰退保汾州故也 二十一日詔提舉蔡河撥發官白醇中

韓瑛並罷以言者論醇中老不任事瑛多病衰憊故也

二十八日提舉江州太平觀盛章責單州團練副使

萬州安置坐昨知京兆府於盛暑中大興夫役日有死損人數修繕城壁鹵莽為提刑司所劾故也 九月五

日詔朕即位以來振淹起廢庶銷朋黨以厚風俗中書

舍人晁說之許景衡擢為侍從兼職東宮數嘗面諭旨

出親選今乃視大臣陞黜以為去就懷奸徇私殊失事

君之義可並落職說之提舉西京嵩山崇福宮景衡提

舉杭州洞霄宮 同日直徽猷閣兩浙路轉運副使程

昌弼落職送吏部以言者論其諂事魏伯留薦於王黼  
遂擢監司復媚蔡京以取貼職不依赦與民間蠲除稅  
租部內騷然大為民害故也 二十日龍圖閣直學士  
知應天府葉夢得落職宮祠起居舍人許亢宗與郡以  
言者論夢得為吳敏之黨而亢宗又因夢得以進故黜  
之 二十一日徽猷閣待制葛勝仲落職提點京西路  
刑獄李申提點京畿京西路茶鹽王珍並罷以言者論  
勝仲污穢無行不可玷侍從之選中年貌衰殘不任煩  
劇珍以戚里女夫得官人才凡謬皆不足以充廉按之  
任故也 二十四日觀文殿學士李綱落職提舉杭州  
洞霄宮以臣僚論綱輕脫寡謀強執自任專主用兵之



議前後敗軍覆將非一 二十七日又言綱身為大臣  
專制閫外畧無成算誤國損威願賜黜奪若鄒柄張牧  
贊佐誤事亦當追奪前命故有是詔柄牧並罷見任  
同日特進資政殿大學士薛昂落職致仕以言者論附  
會蔡京與余深林摠無異未正典刑故有是命 同日  
知鳳州趙令應知寧州向子伋知海州吳直夫並罷新  
任以言者論三人皆曾以有賊罪或勘鞠或停廢徒緣  
需澤復冒郡寄故也 十月二日李綱責授保靜軍節  
度副使建昌軍安置以臣僚言綱妄言與吳敏力建大  
策贊成內禪及使應援姚平仲卒無尺寸之功自宣撫  
河東略無經畫肆意妄作督諸將決戰致數路敗衄故

有是責 十八日直秘閣徐惕落職追兩官勒停以言  
者論其為廣西漕臣日搭斂珍貨獻于蔡京故有是命  
十九日詔前提舉京西北路常平劉寄京西南路廣  
訪使者賈諶並除名勒停編管寄商州諶徐州以京兆  
府路經畧安撫使范致虛言其子寅風於宣和中曾上  
書論寄附李彥之罪時相不直之命諶體究諶觀望詛  
奏意以冤死故有是命 二十七日翰林學士承旨吳  
升降三官以被命出使託疾不行故也 二十八日詔  
李綱罪惡深重不自省循輒有放言鼓惑衆聽可移畿  
州安置候到令本路監司常切覺察仍仰經過州軍具  
到發月日聞奏 同日知穎昌府京西北路安撫使曹

開落職與宮祠以引嫌乞改移別郡意在避事故也

十一月十日知岳州邢傑除名勒停以為館伴日聽燕人趙倫之詐欲結余覲以圖虜酋故也 十五日龍圖

閣直學士河北河東路宣撫副使折彥質責授海州團練副使永州安置京西提刑許高河北提刑許亢知絳州李元孺並除名勒停送瓊州吉陽軍華州編管時金人入寇彥質馬亢各統兵防洛口望風而潰元孺不守禦故有是命 閏十一月一日詔都大提舉京城四壁守禦使劉韜棄軍長寇沮國搖民可落資政殿學士降五官與宮祠初韜罕陷太原幹离不圍貞定韜至井陘虜兩路併集韜移保信德及貞定陷上以韜為宣撫使

命移軍洛州繼召至闕虜已渡河薄城幹言宜有以紓  
目前之急為後圖者乃除京城守禦使已而論者謂幹  
嘗極言不可輕戰故有是命 二日中書舍人孫覲降  
三官罷宋伯友落職降三官提舉江州太平觀本州居  
住覲以支軍糧賞賜不平伯友以棄鄭州歸京師故皆  
責之 六日詔右諫議大夫范宗尹首議割地今戎馬  
再至使朕失天下心可先次落職既而以為集英殿脩  
撰提舉西京嵩山崇福宮駙馬都尉向子辰坐擅登城  
各降一官 十四日中書舍人李擢降兩官罷守禦提  
舉初護龍河自賊迫近即決汴河以增其深其後雪寒  
冰合賊於水上布板置草覆之以土將以攻城而擢不

介意是日稍晴上登城賞勞見城壕填疊殆盡乃有是  
命二年正月一日延康殿大學士高伸落職金吾大  
將軍高傑降為左衛率府率以開封尹徐秉哲言奉  
詔根括犒軍物而伸寄藏金銀於兄傑家為婢所告方  
追逮幹人而皆親至府庭下伸傑受國厚恩自恃官高  
庇其家奴難以集事故有是命

全唐文

黜降七

宋會要

高宗建炎元年五月六日工部尚書王時雍落職提舉  
成都府玉局觀八日責授安化軍節度副使黃州安置  
十一日責授李邦彥建寧軍節度副使尋州安置吳  
敏依前崇信軍節度副使移郴州安置中大夫祕書少  
監分司南京亳州居住蔡懋寧國軍節度副使英州安  
置李稅平海軍節度副使惠州安置宇文虛中安化軍  
節度副使韶州安置鄭望之海州團練副使連州安置  
李鄴果州團練副使賀州安置先是有詔靖康之初邦  
彥等主議誤國召致兵革令三省取旨竄責故有是命

十六日京東轉運判官閻邱陞責授濮州團練副使封州安置制書以其不興師赴援故也 同日顯謨閣直學士知東平府盧益落職官觀制書以其不勤王故也 十七日蔡確追所贈太師汝南郡王責授武泰軍節度副使蔡卞追所贈太師衛國公責授寧國軍節度副使邢恕追所贈少師責授常德軍節度副使蔡懋責授單州團練副使依前英州安置先是詔曰朕惟宣仁聖烈皇后當元豐末立括宗皇帝為皇太子遂嗣大統垂簾聽政有安社稷大功二王出居私第以別嫌明微德意深遠比者姦臣鈞黨以空造之言仰誣盛德著於史牒以欺後世其蔡確等令三省取旨行遣仍不得引

用建炎元年五月一日赦文至是三省來上故有是命

二十一日新除給事中沈晦為集英殿修撰知舒州

晦自著作佐郎遷給事中言者以為超躐雖嘗使虜通

年而給事中以封駁為職政事得失之所繫不可以賞

功故有是命 二十五日戶部侍郎邵溥落職與京東

小郡制書以溥規免奉使故也 二十九日資政殿大

學士西道總管王襄賁授中大夫祕書少監分司北京

襄陽府居住資政殿學士北道總管趙野賁授中大夫

祕書監分司南京青州居住六月一日襄永州安置野

邵州安置制書以其不勤王故也 同日前戶部侍郎

邵溥降一官制書以治財折閱故也 六月一日太府



少卿徐公裕等降兩官以臣僚言其市監臨物也 三  
日資政殿學士知江寧府宇文粹中落職提舉亳州明  
道觀以本府軍卒周德叛故也 同日資政殿學士領  
開封尹充大金通問使徐秉哲責授昭信軍節度副使  
梅州安置靖康之禍秉哲為開封尹不忠之罪合即誅  
夷上杖拭用之使之使虜猶辭避有言故從貶黜也  
五日歐南仲落觀文殿學士依前提舉杭州洞霄宮以  
南仲頃與政機適當邊警專主盟好致誤國家故也  
同日責授王時雍昭化軍節度副使高州安置王紹隆  
名勒停容州編管吳玠昭化軍節度副使永州安置莫  
儔寧江軍節度副使全州安置李權成州團練副使郴

州安置顏博文果州別駕澧州安置孫覲散官安置並  
令所在州軍差官管押前去馮澥落資政殿學士依前  
中大夫知潼州府知洪州李回落延康殿學士依前朝  
議大夫與宮祠既又回責授朝奉大夫祕書少監分司  
南京袁州居住以時雍等為臣不忠靖康之變奉賊稱  
臣至或因之肆為姦利言者列其罪惡來上故皆黜之  
八日述古殿直學士提舉杭州洞霄宮謝克家降克  
龍圖閣待制制以其受託淵聖護持東宮乃以多事之  
時遽上乞身之請故也 十二日龍圖閣待制謝克家  
徽猷閣待制知舒州范宗尹落職宮祠制以當國家遭  
變之時昧賢者潔身之道雖楊雄之投天祿自謂無他

然鄭虔之貶台州豈宜倖免故也

二十一日檢校少

傅寧武軍節度使東京留守范訥罷留守司降投永宣

使淄州居住以言者論其專懷願望無意勤王公縱剽

攘不能戢士故也 同日龍圖閣待制錢益落職提舉

亳州明道宮以益昨任陝西制置使望風先潰擁衆自

營仍從敗亡肆為攘劫故也 同日知淮寧府李彌大

降兩官以盜發所臨城守幾亡而彌大蒞事之初姑從

末減故也 二十五日惠柔民費若谷押赴河北京東

陝西路監當差遣制以柔民等被選為郎而逆料時艱

公然去國故特皆責之處邊地云 二十七日折彥質

責授散官昌化軍安置錢益落職降官分司許高許亢

編管海外州軍以臣僚言靖康末彥質任陝西宣撫副  
使乃入川蜀益任制置使逃湖北高亢統兵防河逃於  
江南故有是責 七月十一日朝議大夫徽猷閣待制  
知平陽府高衛落職降兩官宮祠制以衛蒙國選掄分  
時憂願虜兵一入狼狽出奔故也 同日顯謨閣學士  
朝議大夫知越州翟汝文特降兩官以本路運判劾汝  
文擅減放和買稅絹綿四十餘萬故有是命 十三日  
金部員外郎丁深特勒傳令發運司根究所在申尚書  
省以臣僚言深自靖康元年十月被命東南催促綱運  
至是一無奏報莫知存亡故也 同日詔吳玠移韶州  
安置莫俤移潮州安置顏博文移賀州安置李四責授

安遠軍節度副使惠州安置朝奉郎朱宗責授祁州團  
練副使岳州安置通直郎提舉杭州洞霄宮范宗尹責  
授忻州團練副使鄂州安置太中大夫權開封尹盧襄  
責授成州團練副使衡州安置故尚書工部侍郎何昌  
言追授隰州團練副使及追致仕恩澤通直郎何昌辰  
除名勒停送永州編管中大夫提舉成都府玉局觀馮  
泮責授朝議大夫祕書少監分司南京成州居住朝請  
郎中書舍人李會責授承議郎祕書少監分司南京筠  
州居住朝請大夫黎確朝散郎李健朝請郎陳戢並與  
遠小處監當承議郎侍御史胡舜陟朝散郎殿中侍御  
史胡唐老奉議郎監察御史馬伸朝散郎監察御史齊

之禮朝請大夫監察御史姚舜明宣教郎監察御史王  
侯並降兩官觀文殿學士提舉杭州洞霄宮耿南仲落  
職龍圖閣直學士耿延禧落職興宮祠餘撰勸進文字  
及事務官令留守司開具姓名申尚書省 八月一日  
余大均陳冲前諫議大夫洪芻各特貸命除名勒停長  
流沙門島永不放還邢部郎中張卿材責授文州別駕  
雷州安置李彞責授茂州別駕新州安置王及之責授  
隨州別駕南恩州安置前大理卿周懿文責授隴州別  
駕英州安置胡思責授沂州別駕連州安置 十六日  
通議大夫提舉杭州洞霄宮耿南仲特責授單州團練  
副使雄州安置南仲堅主謙和致敗國事言者論其罪

大青輒復有是命也 九月五日江南東路轉運副使  
劉蒙提舉常平陸友諒各降五官先是翁彥國死蒙友  
諒奏乞優加贈卹上以彥國騷擾東南詔降兩官後省  
謂彥國者李綱姻黨也蒙友諒實悅綱意故再降云  
同日知襄陽府黃叔敖落職降兩官監當制以遇盜委  
棄城守既會赦降猶從舊青故也 同日龍神衛四廂  
都指揮使河北經制使馬忠降兩官十一月十八日落  
龍神衛四廂都指揮使降為經制副使二十二日又降  
兩官初以忠行師無律逗撓不前其後又謂擢領中權  
偏師致敗全軍退舍坐失事機故連有責降 七日徽  
猷閣待制知河中府席益落職制以益出專方面走避

疆胡故也

二十一日刑部郎中呂勤監察御史齊之

禮並罷令所在提刑司差人催督赴行在大理寺取勘  
聞奏是歲五月勤之禮受命江淮催促綱運至是未還  
亦無措置故有是命二十二日知秦州趙黠特落職勒  
停先是有旨點落職與官祠中書後省言黠為秦州為  
有司所劾至三十四事乃獨落職是謂失刑故有是責  
十一月十四日翁彥國追奪寶文閣學士制以彥國  
頃治別都阻危害物諸路騷然故也二年正月十四  
日朝散大夫龍圖閣待制落職提舉江州太平觀坐守  
杭州軍變故也二十一日中大夫直龍圖閣知建州  
張勲降為朝請大夫制以不能馭軍撫民故也二月



七日龍圖閣學士鄭脩年顯謨閣直學士劉阜民徽猷閣待制余日章白彥暉並落職先是元年六月十四日詔前宰執子弟恩澤帶貼職及待制以上者並罷其四人以父任宰執實錄僥倖言者論之故有是命 十八日中書舍人汪藻滕康衛膚敏並罷以中書後省試四方薦士策第二名何烈乃用廷試體稱臣藻康膚敏坐考試鹵莽故有是命 二十三日龍圖閣直學士太中大夫知鎮江府錢伯言降兩官 時張遇為寇伯言棄官保于丹陽寇退自劾量行是罰 二十四日朝議大夫趙子崧青授單州團練副使南雄州安置子崧前守鎮江寇至棄城故也 二十五日祕書省正字胡瑄特

追所有官梧州編管以臣僚言理阿附李綱故也 四  
月六日承事郎新宗正寺主簿胡愉先次勒停立賞告  
捉仍拘籍產業以荆湖南路轉運司奏愉押載內庫錢  
綱莫知所在故也 五月二十三日承議郎徽猷閣待  
制劉阜民落職言者以其父任宰相因緣得職與其兄  
卓民一同合行追奪云 七月四日福建路提點刑獄  
李芑特追三官勒停時建州卒叛芑擁兵三萬餘人不  
即掩捕致寇盜猖獗故也 十七日荆南安撫使唐慤  
降充直祕閣以臣僚言公安知縣程千秋破賊遣官改  
倅荆南慤乃逮繫郡獄欲誣以罪故也 二十日兵部  
員外郎兩浙福建路撫諭江端友放罷其一行官屬並

衝替以臣僚言端友多任官屬所至苛擾故也 九月

二日新除衛尉少卿馬伸送吏部與京東監當初伸任  
殿中侍御史論列謝克家孫覲不可再用乞罷黃潛善  
汪伯彥政柄遂改衛尉伸猶論不已卒為所陷未幾二  
相罷免 上即以衛尉少卿召之 十二日七日前江  
淮荆浙大路發運使翁彥國追貶單州別駕太常少卿  
翁彥深故罷徐謹言翁挺勒停除名鄰州編管臣僚言  
彥國擁衆十萬當虜騎渡河逗遛淮泗不赴難挺其姪  
預謀謹言幹辦軍中財用公肆欺隱無復稽考彥深彥  
國之弟故併罷之 三年正月二十七日保義郎監法  
酒庫門田宗義追官以吏部言宗義元係後苑作藝學

於宣和間應奉有勞昨授承信郎出身合行追奪上曰  
宗義善造頭巾朕當用錢役使之豈可與官五月七  
日中書舍人張忭與外任宮觀是日宰執進對上曰昨  
日張志奏劄謂朕即位以來無纖毫之失自古人君不  
患無過患不能改過耳諂諛如此豈可寘之從班耶  
六月二十日朝奉郎左司諫袁植罷知池州初植上疏  
乞再貶汪伯彥於嶺表誅黃潛善及失守者李延熙權  
邦彥朱琳等九人以振國威上諭宰臣曰植雖敢言殊  
不識大體如潛善悞國其誰不知蓋渡江之役朕方念  
咎責已思為後圖豈可盡歸咎宰執又尊人主以殺人  
此非美事故黜之改用趙鼎云七月二十四日知撫

林積仁通判楊稷言並銜皆以江西路提點刑獄司奏  
苗傳餘黨未至州城守倖先棄城去故也 九月十六  
日徽猷閣直學士前知江州陳彥文先次落職先是宣  
撫處置使奏彥文不法命監察御史沈與求鞠之內命  
官不候三問追攝言者以為彥文帶職侍從難于不候  
三問而追攝故有是命 同日朝議大夫知岳州邢倬  
責授汝州團練副使英州安置詔以倬靖康中謀結余  
堵無成故也 四年正月二日兩浙宣撫副使郭仲荀  
責授散官廣州安置時金人犯明州張俊率兵大破之  
賊既却俊引兵赴行在荀乃乘海舟潛遁自越州徑趨  
温州朝廷追之續令御史府大理雜治既初本司差以

寧充京西制置招撫羣盜而以寧乃擅自節制湖南軍馬對移邵全二州守臣故黜為監當其後以母陳氏乞別授差遣或放歸田里乃再責之 二月九日臨安府觀察推官沈長卿監都稅院沈震陳祖安司理叅軍葉義問可並勒停詔仄席求賢虛襟圖治言有犯顏忤意者未始加黜至於中傷大臣力肆詆毀露章臺省鼓動衆情比干于政體不得不懲故也 五月四日朝請大夫直徽猷閣主管江州太平觀李弼孺可特勒停弼孺言臣僚所論誣誕實負屈抑詔弼孺輒敢論說言官肆行詆毀有傷國體故有是責 六月二十八日祕書丞李元瑜可與外任通判以元瑜上殿奏事妄議典禮故

也 七月三日徽猷閣直學士銀青光祿大夫王序落  
職又詔降兩官十二日有旨特降授宣奉大夫提舉西  
京嵩山崇福宮 以序乞再任提舉崇福宮給舍奏序  
事宦官梁師成法當討論故也 九月二十三日太常  
卿謝亮特勒停送雲安軍編管以知樞密院宣撫處置  
使奏亮緣童貫為郎故有是命 十月二十一日知徽  
州郭東特追一官勒停提刑王圭追一官衝替以臣僚  
言東等在任聞張琪賊馬侵犯望風奔潰故也 二年  
五月二十四日前知明州吳懋特降兩官詔以懋因軍  
期科率將五萬貫作羨餘貢獻故也 九月十三日朝  
奉大夫知建州韓玳特降兩官以范汝為作過之初玳

爲郡守不能措置故也

二十九日端明殿學士左朝

奉郎知建康軍府兼壽春濠廬和州無爲軍宣撫使李  
光可落職提舉台州崇道觀以臣僚論列故也 十月  
十五日左朝散郎直龍圖閣主管亳州明道宮潘良貴  
特降一官以臣僚論列故也 十九日傳崧卿落徽猷  
閣待制降兩官授左奉議郎提舉洪州玉隆觀施垌降  
兩官吏部與遠小監當御筆以近方選任直臣廩按諸  
路與有埋輪攬轡之士以副朕意而崧卿初將詔命公  
肆誕謾施垌保明觀望不實朝廷何所賴故有是命  
同日責授中大夫祕書少監分司南京黃潛厚落分司  
提舉江州太平觀指揮更不施行以諫官論其嗜貨利



亂名器輕朝廷不當以常格檢舉故也 二十七日吏部郎官晏敦復送吏部與合入差遣以敦復不閑白長貳違法決打吏人及不信朝廷批狀詣都堂要見判筆故有是命續詔決責人吏一節慮官司不知本意或至縱吏特令吏部與通判差遣 二十九日降授中散大夫王衣罷權刑部侍郎除集英殿修撰在外宮觀以言者論其黨庇吏人凌忽刑定官於刑名屢有出入故也 十一月二日奉御筆王禹得可罷知台州以右諫議大夫徐俯奏稱知台州錢稔既罷王禹得者士論亦言其不稱乞別換能吏故也 十四日新除給事中江常放罷以臣僚言常歷州郡貪墨之狀故有是命 同日

直祕閣知台州蔣璨落職以臣僚言璨進不以正故也  
十二月二十四日樞密院計議官李誼送吏部與遠  
小監當以誼漏泄朝廷機事故也 二十七日知太平  
州張鐔降兩官勒停通判蔡績衝替以鐔績不合在國  
內晚食用妓弟祗應致軍民不服因而作過故也 三  
年正月二十三日左朝奉大夫尚書工部侍郎賈安宅  
降充集英殿修撰依舊提舉臨安府洞霄宮外州軍官  
觀居住以臣僚言安宅因姻家王黼躡進從班故也  
二十九日詔端明殿學士左朝奉郎前江南東路安撫  
大使兼知建康府李光特降兩官以在任截使過內藏  
庫錢物故也 二月一日新通判無為軍顏經特降兩

官以進狀論知湖州汪藻抑配軍糧為跋扈不臣下宣諭司體究不實故也 三月九日資政殿學士左中大

夫江南西路安撫大使馬步軍都總管兼知洪州李回落資政殿學士依前左中大夫提舉江州太平觀以臣僚言回在任奉行詔令不虔故也 六月一日集英殿

修撰知池州葉煥落職與宮祠前降赴行在指揮更不施行以臣僚言煥擅招巡軍不能彈壓致在城作過遁走又姑息餘黨故有是責 十日宣義郎馮脩已與追

一官放行參選以脩已元因敘熙載為中書侍郎日脩書轉官回授白身補承務郎準近降指揮不由科舉之人合行審量故有是命 九月一日江南東路安撫使

兼知建康府沈晦罷知建康府差提舉台州崇道觀任  
便居住以臣僚言江南師府其任不輕晦知婺州日事  
多輕率故有是命 四日左朝請大夫試給事中黃唐  
傳除徽猷閣待制提舉江州太平觀以臣僚言近者臣  
僚章䟽乞罷都轉運司惟唐傳獨力營救故有是命既  
而再章論列其附會大臣遂落職云 二十一日黃龜  
年罷給事中提舉臨安府洞霄宮李與權罷刑部侍郎  
提舉江州太平觀先是與權以大理卿為權刑部侍郎  
黃龜年以中書舍人除給事中言者論與權決獄議刑  
一用私意龜年文學淺陋素無直聲故併罷之 二十  
二日知明州李承造刑部郎官蘇恪監都茶場程庠大

理直曹匪都督府幹官韓隆胄姚耆宗並放罷今後不得與堂除差遣以臣僚言此六人治家不謹故也二十五日胡蒙罷右司員外郎以臣僚言蒙為都司恃勢凌轢用事故也十月三日御史臺主簿陳祖禮祕書省正字陳祖言並放罷以臣僚言日登大臣之門覲伺臺評動息必告故也十一日宗正少卿王珣吏部員外蘇良冶並與外任宮祠臣僚言珣自左司郎遷宗正少卿而屢出怨言良冶李承造親戚緣丁憂自二浙挈家依承造兄廣東提舉李承邁假之聲勢取鬻故也四年正月七日新知漳州陳谷瑞放罷以臣僚言谷瑞嘗伐官木營造興化私第故有是責二月八日荆湖

北路轉運判官劉庭佐特降一官衝替先是紹興三年  
八月一日詔荆湖北路運判范寅亮與湖南運判劉庭  
佐兩易其任庭佐自降旨半年尚未赴任至是都省言  
其避事故有是責 十一日駕部員外郎洪興祖比部  
員外郎范振樞密院編修官許世厚並放罷以臣僚言  
皆席益所私厚故也 十五日新廣東運判潘闢浙東  
提舉茶鹽陳鼎廣東提舉茶鹽張世才湖北提舉茶鹽  
徐嘉問福建提舉茶事趙公達湖南提舉茶鹽胡緯並  
放罷以臣僚言闕因緣黃唐傳呂頤浩以進鼎事蔡攸  
世才俗吏之才嘉問王黼之客緯出入蔡京之門公達  
初為淮寧府儀曹不法並罷黜之 三月十七日資政

殿大學士張浚落職特授依前左通奉大夫提舉臨安府洞霄宮任便居住以臣僚論其輕失五路罷職言者不已詔令福州居住仍令本州借撥官田一十頃於是言者復論其罰未當仍之以賞故撥田指揮亦遂不行

四月四日寶文閣直學士劉子羽責授單州團練副使白州安置寶文閣學士知瀘州程唐落職提舉江州太平觀臣僚言子羽唐為張浚軍事叅贊謀議之人無功故也 十三日右朝奉郎鄭待問特追三官待問衢州人因太學內舍生移歸本貫政和間獻書補官不繇科舉吏部以聞乞審量故奪之 十六日右中奉大夫直顯謨閣江南西路轉運副使曾紆降一官以江南西

路荆南等州制置使岳飛言其漕運不繼故也 二十  
九日左朝奉大夫主管建州武夷山冲佑觀馮堯已特  
追兩官堯已元係太學生主管書寫御前文字應奉有  
勞補假將仕郎仍理選限即不由科舉補官至是討論  
故也 六月十一日荆湖北路轉運判官常僅降一官  
別與差遣以僅將運司錢物與朝廷所降帥司錢袞同  
友遣故也 十四日入内内侍省東頭供奉官鄭弼入  
内内侍省西頭供奉官盧祖道各追兩官武翼郎寄資  
入内内侍省東頭供奉官徐奕并男入内内侍高班徐  
佃各追一官以內侍省言弼等私赴韓世忠飲燕故也  
内徐奕妻係世忠外表二子伸隨父而往故皆降等罰



馬 二十八日戶部尚書黃叔敦除徽猷閣學士提舉  
臨安府洞霄宮降充徽猷閣待制宮觀依舊以言者論  
其職事不脩故也 八月十九日劉無極罷祠部郎官  
與外任差遣以臣僚論其昨為提舶宰臣問以錢本幾  
何汗下不能對故也 二十五日司農少卿曾紆宗正  
少卿劉棐石司郎官孔端朝並別與差遣以臣僚言紆  
在崇寧為政府子弟招權棐為補闕陰附時宰端朝以  
幸學得官日袖啓以求見梁師成也 九月二日左朝  
請郎致仕徐時彥追四官仍追奪賜進士及第出身并  
賜緋章服以吏部言時彥係蔡京門客徑赴廷試之人  
兼致仕已久陳乞再任故有是命 同日張綱罷給事

中差提舉江州太平觀以臣僚言姚舜明以待制為言者論改除集英殿修撰故事改除則屬吏房行詞綱獨不受乃申省送刑房欲令作責降之人於是黜之 十月十三日端明殿學士左太中大夫知潭州席益落職罷安撫制置大使依舊湖南安撫使以樞密院已降指揮令席益發遣吳錫一軍前往武昌縣聽候馬擴節制前後計三十一次催割未肯發遣故有是命 十七日鎮江府通判王冕曾是丹徒縣丞黃仲適丹徒縣尉張良臣各先降一官內選人令吏部依條施行鎮江府平江府常秀州巡轄馬遞鋪楊紹先次除名勒停並令提刑司取勘聞奏以冕等發御前金字牌遞角違滯故

也 五年正月八日集英殿修撰知太平州劉岑改除  
右文殿修撰差遣依舊岑以權戶部侍郎除職與郡臺  
臣再論故有是命 十日又承議郎李邦猷特追直祕  
閣職名以臣僚言宣政間父兄任宰執子弟因回授陳  
乞得貼職人並罷邦猷兄邦彥嘗任宰執故也 二十  
一日太府少卿馬永家吏部員外郎魏良臣並罷以臣  
僚言承家因警報請外良臣奉使亡狀故皆黜之 二  
月二十二日提點坑冶鑄錢韓寅曹放罷以臣僚言寅  
曹初聞邊報即治裝以出巡為名留建州崇安故也  
閏二月二十六日降授龍神衛四廂都指揮使建武軍  
承宣使新差提舉江州太平觀王瓌罷軍職三月一日

降三官授濠州團練使言者交章論璣經制河東則望  
風先遁屯守建康則直趨閬中泊出師討楊么遽有下  
山之敗又有鼎江之歟驅迫在增吳全皆致戰歿故有  
是責既而上謂宰臣曰璣提大兵往上江所用錢糧不  
可勝紀而敗軍覆將經年不能了楊么豈可不行遣今  
降落軍職不特少慰公議又璣平日專事交結亦使知  
交結不足恃也 三月一日王義叔黃願李膺復職皆  
揮更不施行更候一赦取旨以臣僚言義叔嘗附黃潛  
善願附黃潛厚膺守虔州陰與賊魁交結故也 十四  
日右宣義郎大宗正丞胡如燠放罷以臣僚言其詞采  
粗長操行不謹故也 十七日張厚復右奉直大夫指

揮更不施行以臣僚言其詔奉辛永宗冒籍軍賞遂至  
正郎故也 八月十八日故任特進觀文殿大學士申  
國公贈太師章惇追貶昭化軍節度副使追貶寧國軍  
節度副使蔡卞追貶單州團練副使逐人子孫不得除  
在內任職並與在外合入差遣是日詔比覽元符諫臣  
任伯雨章既論列章惇蔡卞誠誣宣仁聖烈皇后欲追  
廢為庶人誰無母慈何忍至此賴哲宗皇帝聖明灼見  
不從所請向使其言施用豈不蔑大母九年保佑之功  
累秦陵終身仁孝之德自朕纂服是用疚心昭雪黨人  
刊正國史雖崇寧而後迷國猥衆推原本始實自紹聖  
惇卞竊位之時而譏惡未彰將何以仰慰在天稱朕尊

嚴宗廟之意可令三省取索議罪來上當正典刑布告天下於是中書門下省檢會任伯雨彈章惇等狀進呈故有是命 六年三月九日拱衛大夫同州觀察使致仕胡械於橫行上追兩官遙即上追一官勒停送廣德軍編管以械為犯私酒故也 十二日前金部員外郎陶愷送吏部與監當差遣臣僚言愷論事未當故也

六月二十三日武功大夫果州團練使李鑄特除名勒停永不收敘送邵武軍居住以宣撫使劉光世言鑄恃頑歲久竊弄事權潛傷將佐蠹害軍務故有是責 七月五日左朝請郎知臨江軍趙克之右奉議郎通判張昌並降一官以江西運司言克之等不裝發岳飛大軍

歲計米綱故也 八月二十八日知郴州許和卿特降  
兩官放罷以湖南帥臣呂頤浩奏桂陽監中宜章縣尉  
彭大年下効用許太虛生擒到賊魁黃旺偽將官黃滿  
等三人訪聞得許太虛係是知郴州許和卿之子祖宗  
以來監司知通親戚不許于所部從軍以革冒濫欲望  
將許太虛所立功賞更不推恩將太虛已降指揮免文  
解一次其指揮更不施行和卿坐縱容男子所部從軍  
故有是責 十一月十二日左朝請大夫直祕閣新知  
宣州李健右中大夫直徽猷閣新知袁州汪召嗣可並  
降一官放罷既而又各再降一官詔李健為淮西安撫  
司叅謀汪召嗣為叅議不務協心叛國緩急之際其贊

畫無非退避之說故有是責從宣撫使張浚之請也既而中書舍人再論乃再黜之七年正月十日龍圖閣直學士知處州劉大中降充龍圖閣待制依舊知處州以臣僚言大中以疾請去命以峻職使郡猶懷怨望故有是命二月二十四日左朝請大夫知果州宇文彬通判龐信孺各特降一官放罷吏部侍郎魚權禮部侍郎晏敦復等言紹興六年四川飢饉米斗價錢至二十或三千細民流殍十室而五前知果州王鵬等勸誘富民贖米賑濟今知通興王鵬相繼到官目擊其事乃盡承登九穗圖號為瑞應萬里遣人投進嘗試朝廷好惡故特責之七月三日右朝奉大夫直徽猷閣權發遣



處州孫佑落職降兩官

以佑討捕無術措置平方賊

徒復行猖獗故也

八月十日中衛大夫秀州刺史宣

撫司前軍第三將官魯彥特降橫行遙郡七官勒停以

彥將將司韓全監繫縛封閉於空屋內致使餓死反受

常州富人朱綿令其弟妹冒濫恩賞故有是責 九月

二日知陝州楊發放罷仍取勘以荆南帥司言發在任

不法故也 二十八日都官員外郎趙令衿放罷以臣

僚言好事虛名故也 十月八日直祕閣新知温州王

縉可落職主管台州崇道觀以臣僚言縉昔任諫官在

職無少補故有是命 閏十月十二日中軍統制王存

降兩官充本軍將官以存上書乞故令張浚逐便上曰

朕非不能容一王存但進退輔弼豈小臣所當議此風  
寢長則他日將帥或干預其間豈國之福也防微杜漸  
不可不懲先是又有進武校尉賀允升者上百篇詩並  
無利害可取而專毀訕其間醜詆張浚者數篇於是詔  
王存賀允升以不循分守各降兩官王存仍降充本軍  
將官 十六日左朝議大夫周審言再降五官不得與  
親民差遣先是審言狀以係朱勔女夫乞依蔡絛等例  
叅部詔追五官左正言辛次膺論審言嘗登科第而甘  
心婚朱勔之息自平江府教授以進頃改官寅緣遷轉  
至朝議大夫其間僥冒可鐫者止五官乞除審言出身  
一資合收使外其他冒濫悉行追正故再黜之 十八

日左朝奉大夫徽猷閣待制前知靜江府李彌大特降  
兩官左奉議郎前廣西提刑韓璜特降一官以彌大爲  
檢斷屈集弟等誤引敕條從紋入斬罪璜以引問情節  
異同不移司別推故有是責 十二月十八日廣東運  
副趙子巖放罷以臣僚言子巖任監司不法故有是命  
二十四日戶部侍郎王侯放罷除徽猷閣待制提舉  
江州太平觀任便居住繼而解免職召改除集英殿修  
撰其後言者不已再落職臣僚言侯力言回易之利破  
費官錢數百萬給乞行貶斥故有是命 八年二月二  
十七日工部侍郎趙鼎除徽猷閣直學士知州軍差遣  
臣僚又言鼎坐言罷不應除美職降顯謨閣待制依舊

宮觀以言者論需項在諫垣汲引群邪故有是命 三  
月五日中書檢正諸房公事林季仲太常少卿鄭作肅  
左司員外郎王迪除季仲已降指揮宮觀餘並與在外  
差遣既而季仲落直龍圖閣臣僚言季仲貪婪多置田  
產作肅蒞事孫觀共排前政迪自為檢詳張浚惡之乃  
百計求合乞罷黜故有是責 十四日左司郎中范直  
方除直祕閣與在外差遣以臣僚言其輕儇巧險玷辱  
家聲其叔父正國嘗除廣西提刑直方擠之卒坐論罷  
敗壞風教乞黜罷之云 四月二日鄭襄追奪職名以  
臣僚言近降指揮直龍圖閣鄧齊直徽猷閣鄧高並追  
職名襄亦洵仁之子齊高之兄弟承父秉政遂叨禁從

昨來蔡卞鄭居中餘深劉正夫白時中等之子皆已追奪職名獨襄尚帶次對乞依例追奪初落職再論遂追奪云 五月十三日繳獻閣待制劉子羽落職既而責授單州團練副使漳州安置臣僚累章論列遂有是命十一月二十九日樞密院編修官胡銓追毀出身以來文字除名勒停送昭州編管永不收叙既而詔送吏部與廣南監當三省樞密院奉旨胡銓身爲樞屬既有所見自合就使長建白乃狂妄上書故有是命 十二月十一日資政殿學士提舉臨安府洞霄宮劉大中落職依舊宮祠以臣僚言大中之罪言官累章論之悉矣僅以宮祠奪其郡絀而猶處之資政殿故有是命 十

四日資政殿學士知漳州王庶落職與宮觀臣僚言庶  
倡言和議不合費直而去故有是命 九年二月十三  
日監進奏院羅萬楊通各降一官以三省言進奏院通  
發正月五日敕書內河南新獲去處並合交付王倫賁  
行不合一面便行入遞故也 四月四日奉國軍節度  
使檢校少傅趙鼎落節度使檢校少傅依舊特進知泉  
州以臣僚言鼎自知紹興府乞閑既遂其請乃安於近  
輔故有是命 十三日廣西提刑王珪降一官銜替以  
廷胙於去年八月九日已降指揮放罷今年正月內進  
奏院內引尚繁階銜故有是命 十七日端明殿學士  
提舉臨安府洞霄宮折彥質落職依前官差遣如故以

臣僚言彥質權自我幕付以兵柄桀寇河上潰散而歸  
及淮西之警遽歛兵自罷政得祠即帥閩粵今雖已去  
郡無所貶損故也 五月十七日降授左朝奉大夫直  
秘閣前知果州字文彬送吏部與合入差遣彬於七年  
二月二十四日以獻嘉禾圖降官放罷今來輒復上書  
論訴鄉官十數員不遵士檢復責之 六月二十五日  
左朝請大夫新除陝西都運仇恣可責授左朝奉郎少  
府少監分司西京金州居住恣辭新除陝西都運上曰  
恣為侍從不能體選任之意避事辭難拒違朝命故有  
是命 同日廣東運判周利見放罷以臣僚言利見私  
增額外賣鹽錢故也 七月二十八日徽猷閣待制知

嚴州董弁與宮觀差遣以臣僚言禱雨不虔故也 十  
月二十六日徽猷閣直學士提舉亳州明道宮劉岑可  
特降充徽猷閣待制依前宮觀以進士吳仲私印吐金  
集前有岑簡帖既令具析以聞故降職云 十一月八  
日戶部郎官湖北總領卽相罷總領職事未幾落職令  
吏部與達小虞監當先是臣僚論相到官已來進催積  
欠侵奪權酷至是三省又言相職在總領應副大軍錢  
糧坐視違戾並不按劾故再責之 九日龍圖閣直學  
士京畿都轉運使李迥落職提舉江州太平觀詔以迥  
被命偃蹇稽留道路到任卽與孟庾不和規求罷免故  
黜之 十年五月二十四日新利州路轉運副使夏瑛



卷一百一十五

七

放罷以臣僚言珙先任湖北運副日科買竹木役使軍  
兵修蓋第宅故黜之 閏六月二日觀文殿學士左正  
義大夫東京留守孟庾資政殿學士左大中大夫南京  
留守路允迪並追見任官職路允修等並放罷內孟庾  
家屬送漳州路允迪家屬送全州仍令所在州軍差官  
兵津遣逐州交替以庾等留守二京虜人入寇不能守  
節故也 二十八日趙鼎責授清遠軍節度副使潮州  
安置鼎初知泉州論罷以特進領祠還至紹興言者論  
列遂責授太中大夫祕書少監分司南京興化軍居住  
既而再責左朝奉大夫餘依舊漳州居住論者未已卒  
有是命 七月十八日直秘閣湖北提刑向子志特落

職依已降指揮放罷都省言予係緣總領司以職事  
按發放罷今來予忝妄有奏陳特有是命 十月二十

八日太中大夫龍圖閣直學提舉江州太平觀范紳左  
朝散大夫徽猷閣待制提舉江州太平觀王居正並落  
職以臣僚言冲居正皆緣趙鼎進用鼎既得罪二人難  
處次對之職乞賜鐫斥云 十二月九日廣東提刑陳  
正由特降一官放罷以臣僚言正由奏發提點刑獄尤  
深子押市舶司乳香綱沉溺等事正由之與深實交承  
也深有不法正由當具事由申朝廷施行今乃曰謹按  
又曰姑摘其大者劾之又曰以為天下臣子貪墨不體  
國之戒茲事前此所未聞也朝廷既將深付帥司取勘

所有正由犯分妄作之罪亦望施行故有是責也 十  
一年二月二十五日右宣教郎池州通判馮壽康左儒  
林郎推官楊徽並特勒停以樞密都承旨周聿被旨點  
檢沿江防守言壽康等聞江北有警輒將骨肉往外縣  
安泊本州所委職事並不肯躬親前去故有是命 六  
月十四日知南雄州趙伋沅州通判李尚義主管台州  
崇道觀趙慶孫李處度衢州判官龔鑒蕭山縣丞陳宗  
盤並勒停永不得與堂除差遣以臣僚言趙伋等子道  
有虧故也 七月五日福建路運判董將江西運判孫  
邦並放罷以臣僚言將昨為崑山知縣賄賂公行邦昨  
為考功郎官強買田產豈可使之將漕故有是命 同

日司農少卿高穎放罷以臣僚言高穎初由偽境還薦者以不受偽命起進京秩馴至亞卿實無他能故有是命九日前知信州劉岑責授單州團練使全州安置以臣僚言岑前後在任妄用官錢故也九月十四日著作佐郎鄧名世放罷以臣僚言名世入館以來專務誇誕捷給蔑視同列故也十五日潼川府路轉運副使俞汝礪運判胡考寧並放罷以臣僚言汝礪出漕鄉國為門僧報怨興獄連逮無辜考寧蓄娼出妻故有是命十月七日知萬州馮時行先放罷仍取勘其後二年六月十八日特勒停簽路轉運司劾奏時行擅置軍額招置刺虎一軍以為自衛之計使民不得安業故有

命十一月二日中書舍人朱翌放罷十三日責授左承事郎將作少監分司南京韶州居住以臣僚言翌初由呂大中薦之趙鼎遂躋清貫故有是命未幾又論翌附會范同遂再有責云同日宗正寺丞邵大受放罷十三日除名勒停化州編管以臣僚言大受每聞朝廷一有除擢則浮言無稽毀短百出言者論列范同大受吏相附會遂再責之五日資政殿學士提舉臨安府洞霄宮李光責授建寧軍節度副使藤州安置以臣僚言光罷政事而去快然不滿故有是命十三日范同責授左朝奉郎祕書少監分司南京筠州居住以臣僚言同當執政之初首為遷葬之謀騷動州縣今尚領真

祠竊優奉乞重賜施行故有是責 十二月三日左通

奉大夫充徽猷閣待制提舉江州太平觀劉洪道可責

授濠州團練副使郴州安置以臣僚言洪道與岳飛交

結故有是責 七日左通直郎淮西轉運判官劉景真

特降三官依衝替人例以刑部言景真不合信憑故朝

奉郎段寅姪長卿偽說當初改官係用舉王與之作保

故也 十二年正月十日知徽州朱希前知宣州李若

虛並落職內帑放罷後一五月十三日帑責授左朝奉

郎軍器少監分司西京邵武軍居住若虛勒傳送徽州

羈管以臣僚言帑等項為岳飛謀議不能贊其主帥故

故有命其後臣僚又論帑等不自循省唱為浮言乃再

責之 十四日大理寺丞李若樸何彥猷並罷岳飛之  
獄既具寺官聚斷若樸等喧然力爭以衆議為非務於  
從輕以臣僚上言故有是命 二十四日屯田員外郎  
劉無極祕書丞孫汝翼並罷以臣僚言無極孫近之黨  
汝翼范同之黨故有是命 二月四日右司郎中莊必  
疆左司員外郎錢業並罷以臣僚言附會范同故也  
三月十七日兵部員外郎朱輅放罷以臣僚言其緣勾  
龍如淵之薦蠟致清華故有是貴 同日江東提刑陳  
確特追兩官勒停以臣僚言確被旨體究前知定城縣  
費介自去年十月至今三月方申不法等並不曾一  
件着實已降兩官外再乞黜責故有是命 四月二十

五日考功員外郎陳時舉放罷以臣僚其時舉附李光  
初被謫乃陰有異議以朝廷罪光為非故有是命 五  
月六日刑部員外郎周林放罷以臣僚言林與市井小  
人校計錙銖之末士夫笑之故有是命 六月十一日  
左通議大夫提舉臨安府洞霄宮王庶責授鸞德軍節  
度副使道州安置以臣僚言庶傲而寡恩故也 十三  
日左朝奉郎工部尚書莫將右通直郎刑部侍郎周聿  
並各降兩官以將等分畫唐鄧地界並不親至界首故  
有是命 十八日馮時行特勒停以臣僚言夔路漕臣  
李炯按發時行教習鄉丁以為跋扈勒鞠久不伏緣時  
行既非主兵之官恐無跋扈之狀所念干繫二百人其



傷寔多乞將時行免勘特降施行故有是責

餘見十一月十一

日 七月二日福州簽判胡鈐除名勒停送新州編管

以臣僚言鈐昨任樞屬狂妄上言姑從薄責而鈐益唱

前說故也

八月十一日太常丞吳棫祕書省校書郎

陳之淵王璧並罷職與外任差使以臣僚言棫之淵璧

明附故也

十月十八日道州通判孫行儉送吏部與

廣南監當以臣僚言行儉擅將行衙鼎新蓋造為前樞

密副使貶道州王庶安泊之所故有是命

二十一日

左朝奉大夫提舉江州太平觀何鑄責授左朝奉郎祕

書少監分司南京徽州羈管先是以臣僚六章論列故

有是命

十一月九日直秘閣知盱眙軍沈該特降一

官以該將對境閱報文字並不即稟朝廷故也 十二  
月一日司農卿總領淮東軍馬錢糧胡紉放罷以臣條  
言其將漕淮壩迄無善狀故也 二日直祕閣前知秀  
州方滋落職以臣條言滋為江東茶鹽提舉所部縣宰  
臧棣姦賊為監司所發滋獨蔽之嘉興知縣不法有越  
訴於臺者滋不容不知知而縱之實又蔽之故有是命  
二十日左朝請大夫知通州馮晉放罷以臣條言晉  
緣王黼親黨冒進故也 十三年四月二十三日左朝  
議大夫提舉洪州玉隆觀胡思左朝散郎直顯謨閣徐  
林並勒停恩劄州林興化軍居住以兩浙運副李椿年  
劾奏二人沮經界之政故也 五月八日張九成興作

宮觀人令南安軍居住初臣僚言九成與徑山主僧宗  
果議論時政故也 六月一日起居舍人兼侍講程敦  
厚令吏部與合入差遣以臣僚言敦厚鼓唱是非故也  
十九日中書舍人張擴罷以臣僚言擴阿附程克俊  
動搖國是故也 二十日都官員外郎陳朴與外任以  
臣僚言朴為孫近之容黃緣進身自近竄逐私書往來  
不絕故也 二十一日司農寺丞臧保衡放罷以臣僚  
言保衡項自編修改職近復獻頌進官故黜之 八月  
十八日秘書少監姜師仲放罷以臣僚言初為浙漕周  
席益之薦遂得察官自茲冒忝逾分故也 九月二日  
顯謨閣直學士左太中大夫知鎮江府汪藻提舉江州

太平觀以臣僚言藻坐昨知湖州縱嬖妾之父出入公  
門故也 十一日吏部侍郎魏良臣戶部侍郎沈昭遠  
並罷與外任以臣僚言良臣卑凡之趣昭遠朋比之狀  
故也 同日徽猷閣直學士提舉萬壽觀兼權知學士  
院洪皓依舊職知饒州十七年五月七日徽猷閣直學  
士左朝散郎提舉江州太平觀責授濠州團練副使英  
州安置以臣僚論列得郡既而奉祠言者復以其里居  
與郡守王詳通判陳之淵以言語動搖國是仍再責之  
十月二十一日顯謨閣學士左太中大夫提舉江州  
太平觀汪藻落職依舊宮祠永州居住以臣僚言凡前  
日在朝為異議者皆藻之為乞令居遠方故責之 十

二月五日禮部侍郎王賞知和州以臣僚言賞所與私  
昵及往來之人皆不由正故有是命 十四年正月十  
五日集英殿修撰提舉江州太平觀黃龜年落職令本  
貫福州居住以臣僚言龜年居明州昌國縣交結郡邑  
奪綺霞寺山以為葬地故有是命 二月二十八日中  
書舍人劉才邵祠部員外郎王觀國並與外任以臣僚  
言二人皆附萬俟卨今卨既出宜逐罷故也 三月二  
十一日建寧軍承宣使提舉江州太平觀解潛責濠州  
團練使南安軍安置以臣僚言潛趙鼎之客不從和議  
故也 四月二十四日右朝奉大夫前主管台州崇道  
觀陳鑄送吏部與監當差遣以臣僚言鑄奔走權貴之

門故也

五月十九日左朝散郎新知遂寧府蘇符降

兩官令所在州軍催發之任以臣僚言符頃緣罪罷僞  
寓平江朝廷畀之遂寧以便其私受命踰年畧不為赴  
郡之計故有是命 六月十三日龍神衛四廂都指揮  
使興寧軍承宣使兩浙西路馬步軍副總管張子蓋特  
降一官以前任江東副總管日私販物貨為總領司所  
登故也 二十日提舉江州太平觀萬俟卨降三官歸  
州居住右朝散大夫主管台州崇道觀萬俟卨止特除名  
勒停永不收敘林獮罰銅六十斤特送二千里外編管  
初止以嬖妄作兄女嫁獮奏獮將仕郎故有是命後言  
者復列止之罪再送桂陽監編管 九月二十八日左

奉議郎祕書省校書郎張闡放罷以臣僚言闡每有用之不盡之嘆故也 十月十五日直敷文閣如廬州鮑琚落職放罷以臣僚言其知鎮江多以官錢送親戚及在廬州結納妖僧故於治所以符水惑人得錢入公庫故也 十二月一日禮部員外郎兼崇政殿說書資善堂贊讀陳鵬飛放罷以臣僚言鵬飛妄自標置故也 十五年正月二十九日右朝奉大夫向子志修武郎向子率各特降三官以知潭州劉昉言子率強買民田本州方行勾追其兄子志輒經提刑司越訴故黜之 六月二十三日降授武顯大夫改差福建路兵馬副都監充殿前司選鋒軍統制李耕特降一官以冒請事發付

在有司輒行財計鵠故也 八月十九日龍神衛四廂

都指揮使沂州防禦使殿前司左軍統制李捧降授舒  
州團練使以輒違朝旨擅差官兵回易故也 十月十

九日吏部郎中王言恭國子監丞文浩並放罷以言恭  
等起附執政故也 十一月七日左奉議郎祕書省正

字黃公度放罷以臣僚言公度為趙鼎遊說故也 閏

十一月十七日左朝奉郎充祕閣修撰提舉江州太平

觀劉一止落職依舊官祠以臣僚言一止由阿附李光

落職官祠既而畀以次對之職乃不能認寬恩方且躁

忿故有是命 十六年二月二日保康軍承宣使提舉

佑神觀韓公裔與外任以臣僚言公裔與楊愿交通故



也 三月二十六日新添差荆湖南路馬步軍副都總管辛永宗降兩官授鳳州團練使以臣僚言乞將永宗移之遠地特授前件差遣經今兩年留建康徘徊不去故有是命 九月十三日辛道宗特更追三官以宰執進呈刑寺擬斷辛道宗係勒停未叙人寄居饒州強占民田詐取財物事發輒避罪逃竄合追見存拱衛大夫一官罰銅二十斤仍同免官例依舊勒停上因宣諭曰向者范宗尹與諸辛往來甚多為宰相不與朕情通乃附下如此豈不負朕委任之意於是道宗再是是責 十月二十二日吉州刺史兼閤門宣贊舍人韓興右武大夫喬興各降一官定江軍節度使鄂州駐劄御前諸

軍都統制田師中寧國軍承宣使鄂州駐劄左軍統制  
官牛皋各罰銅十斤並坐委保馬驥陳乞牌亡恩澤不  
實會赦故有是責 十一月二十四日權禮部侍郎游  
操與外任以臣僚言操常附趙鼎既敗逐操猶書問不  
絕故也 十二月十一日金部郎官李若川與外任以  
昨降指揮有差遣人限五日出門而若川輒庇其妾兄  
茹楊庭經營差遣故也 十七年二月二十四日權吏  
部侍郎王楙友差提舉成都府玉局觀以臣僚言屢將  
使指勞客境上所過州郡輒受賄賂每赴宴集褻狎倡  
妓有玷國體故也 四月二十三日敦武郎製造御前  
軍器所監造官馬元益特勒傳送桂陽監編管以元益

上書妄議出兵故也 二十七日少師昭慶軍節度使  
充萬壽觀使平樂郡王韋淵特責降寧遠軍節度副使  
袁州安置初以徽宗皇帝忌皇太后親謁景靈宮淵  
因赴起居妄出辭語故也 五月十日吏部郎中李淵  
放罷以臣僚言淵耽南仲門壻故也 六月十三日權  
工部侍郎嚴抑祕書省正字張本並放罷以臣僚言抑  
務為私交本學術空疎故有是命 九月十五日資政  
殿學士左朝奉大夫四川宣撫副使鄭剛中放罷今鄂  
州聽候指揮既而落職依前官提舉江州太平興國宮  
桂陽監居住以臣僚言章論剛中奢僭妄作故有放罷  
聽指揮之命 十月二十四日尚書省檢會取旨再有

是責 十月二十七日知福州左朝議大夫充集英殿  
修撰薛弼通判左朝奉郎衛蒙亨右朝奉郎林充各降  
一官先是進士鍾鼎上書狂妄押赴福州聽讀而本州  
不切拘管致令擅離本處輒詣朝省再有陳獻故也  
十一月三十日左朝散大夫直龍圖閣權知漳州陶愷  
特降一官以前任成都府路轉運副使承總領所取會  
儲蓄錢物而愷輒令諸州隱蔽不實供報會赦乃有是  
命 紹興十八年四月二十六日教文閣直學士知建  
康軍晁謙之放罷以臣僚言謙之輒與趙鼎交通書問  
又嘗為王庶辟客故有是命 五月八日權吏部侍郎  
遷知白差提舉江州太平興國宮以臣僚言知白中懷

躁進其知貢舉嘗於稠人廣衆中曰秀才得我輩落意  
謂落權也於是黜之 六月七日新除軍器監丞康與  
之與外任宮觀初與之妄稱朝旨往鎮江府收買玉帶  
因見都統王勝欲借金五十兩貼還價值至是朝廷訪  
聞下勝具析乃有是命 同日權戶部侍郎李朝正放  
罷以臣僚言朝正版曹貳卿令小吏私買左藏庫絹故  
也 八月四日龍神衛四廂都指揮使邕州觀察使江  
南東路馬步軍副總管董先右武大夫文州刺史侍衛  
步軍司第一將馮昱武功大夫閤門宣贊舍人侍衛步  
軍司前部統領傅旺各降一官右武大夫忠州刺史洪  
州兵馬鈐轄李璋特展三年磨勘董先李璋以前任統

兵官與馮昱傳旺各失覺察所部軍兵冒請及依隨合  
干人改填効用為部下所告法寺鞠實會赦仍有是命

五日右中大夫直祕閣馬純特降一官以前任福建  
轉運副使違法差官權攝職事及不覺察屬官占破兵  
士冒請衣糧為臣僚所劾故有是命 十一月十五日

新州編管人胡銓移送吉陽軍編管以知新州張栻言  
銓不自省循日夕與州縣見任寄居往來唱和筵宴無  
時故也 十八日鄭剛中責授濠州團練副使復州安  
置以臣僚言剛中昨充四川宣撫副使日有盜賊過界  
偷馬承受朝廷指揮並不著緊收捉故責之 十九年  
三月二十二日責授濠州團練副使復州安置鄭剛中

許用議減特免禁錮移封州安置右朝請郎前四川宣撫司主營機宜文字兼權叅議張漢之右承務郎前四川宣撫司書寫機宜文字鄭良嗣各特貸命追毀出身以來告敕文字除名勒停永不收敘漢之賓州良嗣郴州並編管右奉議郎前通判荆南府趙士禡追一官勒停除名右承議郎新知忠州林琪特降一官依已降指揮放罷右武大夫開州刺史利州路兵馬都監充御前中部統領官張仲追右武大夫一官勒停送本軍自効仍展三期敘先是剛中被旨收捉過界偷馬賊盜全不遵奉又擅自出賣度牒起置錢監鑄錢所收到錢直便支使乃冒請過供給廚食等錢并要併都轉運入宣司

不喜朝廷置四川總領錢糧官等事自漢之以下皆因  
剛中連逮各坐冒請錢物及授寄之類皆因臣僚上言  
置司根勘獄成未上乃有是命 同日起居舍人王墨  
卿放罷以臣僚言墨卿在鄉里干擾州郡動以千緡計  
在外邑受令長關節致請託公行政故有是命 五月十  
七日右朝請大夫充教文閣待制陳楠特降兩官以前  
知池州妄用係省錢會赦乃有是命 十八日左武大  
夫果州團練使常吉特追左武大夫一官勒停送步軍  
司自効以前任馬軍司將官違法顧覓軍兵陳千王青  
女充女使及私役所部販賣收息為田歲按發乃有是  
命 十月十一日前任湖南總管邵州駐劄辛永宗特



勒停送肇慶府編管以知邵州呂稽中言永宗自到任至任滿尚在本州居住攘奪官員居止罷任占留將兵違法差破使臣兵稍宣借兵級等其本身違法請過添支等計一萬二千五百餘貫欲望徙之他處故有是命

十一月二十三日權戶部侍郎李春年與外任臣僚論春人品凡下驥等待從當時經界一事誤蒙委使今經界已定若不別委他官覈實則春年私結將帥曲庇家鄉之罪無以厭塞公議故有是命 二十年三月十九日責授建寧軍節度副使昌化軍安置李光特永不檢舉男右承務郎孟堅特除名勒停送陝州編管徽猷閣直學士左承議郎致仕胡寅特落職左朝散郎充徽

猷閣待制提舉江州太平興國宮潘良貴龍圖閣學士  
左太中大夫提舉江州太平興國宮程瑀右朝奉大夫  
直祕閣宗穎各特降三官實文閣學士左朝請大夫提  
舉江州太平興國宮張燾左承議郎新差知邵州許忻  
左朝奉大夫新添差福建路安撫司叅議官賀允中左  
奉議郎充福建路安撫司主管機宜文字吳元美各特  
降兩官臣僚言光主和議反覆孟堅光之子寅等皆與  
光交相朋附故也 二十三日右朝請大夫充敷文閣  
待制知平江府周三畏落職與宮觀差遣通判蘇師德  
勒傳送汀州編管臣僚言三畏頃在大理卿鞠勘岳飛  
公事猶豫半年不決比因罷黜特加杖拭終不懷安蘇

師德乃常同之友壻方同任御史中丞曰師德乃招權  
金二人同為守倅比同之死三畏遣師德齎錢二千緡  
越境至海鹽縣為同致祭文云姦人在路公棄而死故  
有是命其撰常同祭文官亦委憲司具姓名申省取旨  
二十五日左承議郎致仕胡寅責授果州團練副使  
新州安置臣僚論寅初傳魯李綱其後又從趙鼎建明  
不通鄰國之問故有是命也 九月二十三日詔曹筠  
附上罔下可罷侍御史日下出門 二十一年閏四月  
十二日戶部侍郎宋貺放罷既而徽州居住臣僚言貺  
身為版曹支遣不行乃以臨安府公使庫等錢那兌又  
勘虛旁令軍人自往漕司支散故有是命 二十二年

三月一日右承務郎王之竒特除名勒傳送梅州編管  
右承務郎王之荀追所有官勒停特除名送容州編管  
之竒之荀皆前樞密副使庶之子以其父責降身死撰  
造語言謗毀朝廷故有是命 七日左中奉大夫直龍  
圖閣提舉台州崇道觀葉三省落職令筠州居住承節  
郎監臨安府都作院王遠除名勒停送高州編管並坐  
謗訕朝廷故有是命 十四日左中奉大夫徽猷閣待  
制提舉台州崇道觀董弁落徽猷閣待制以臣僚言弁  
干撓州縣故也 二十一日知紹興府湯鵬舉放罷臣  
僚言鵬舉以宅庫子欠賣酒錢輒歸罪將官申於朝廷  
遂致副將劉之儀非理致死故有是命 四月四日信

州上饒知縣吳芑放罷先是臣僚論芑不法阿徇余堯  
弼強買人田事上曰聞其人見訴之臺部可先次放罷  
令本路監勘根勘其實聞奏所在縣令有不法者無由  
盡知昨日亦諭言官如有所聞可上章彈劾 二十一  
日武功大夫張并特降一官依差替人例以委經御史  
臺陳訴銓曹人吏行遣不當故也 二十七日武翼大  
夫權發遣兩浙西路兵馬都監常州駐劄張鐸特降兩  
官衝以先從軍日冒受恩賞故有是命 六月五日左  
司郎中宋仲堪放罷以臣僚言仲堪鞠鄭剛中獄於江  
州淹延日月故也 七月四日知漳州葉庭珪放罷臣  
僚言庭珪前知泉州出室名帖子私賣僧寺故也 十

八日左朝散大夫知眉州邵博先次放罷令成都府疾  
速取勘具案聞奏以本路運司劾其不法故也 二十  
四日右朝請大夫詹廣特降一官勒停以前知黃州日  
妄支官錢故也 二十三年四月二日吏部員外郎李  
琳放罷以臣僚言琳銜命出疆多市北物故也 五月  
十六日向子固罷知揚州以大金人使至本州子固人  
從呵引不即迴避北使以為言故有是命 九月六日  
祕書省正字兼權中書舍人周麟之放罷以臣僚言麟  
之以正字權中書舍人志在即真常懷不滿故有是命  
十月五日太常寺丞兼權刑部員外郎史祺孫令吏  
部與監當差遣臣僚言祺孫傳學妖術上曰士大夫學

先王之道却從妄人孫士道習妖怪術以欺愚惑衆若  
只放罷無以戒後人祺孫可令吏部與監當差遣 二  
十二日大理寺正謝邦彥石邦哲並放罷以臣僚言邦  
彥等皆嘗從孫士道習妖怪之術故有是命 二十七  
日石朝散郎直秘閣添差通判平江府邢孝寬先次放  
罷令本路提刑司取勘具案聞奏以親決禁軍丁宥致  
死為轉運司所劾也 十一月四日拱衛大夫忠州刺  
史鎮江府駐劄御前中軍統制王剛特降三官罷統制  
官送殿前司自劾以不撫軍務兼將官兵請到馬料錢  
市用侵欺入已為都統制劉寶所劾也 二十四年二  
月六日拱衛大夫貴州防禦使江南西路兵馬鈐轄殿

前司神勇馬軍統制劉銳特於階官上降兩官以銳嘗  
差使臣張定於秀州開置酒坊失拘收定隨行軍器定  
因傷平民致死案後收坐也 三月二日右中奉大夫  
梁審禮特降一官以赴景靈宮行香輒繫鞋入殿為攝  
殿中侍御史施鉅所案劾刑 四日司勳員外郎孫仲  
鼐放罷以臣僚言仲鼐攝職成均力主專門以私黨與  
故有是命 六月三日尚書左司郎中吳鼎放罷以臣  
僚言銜命出疆一時隨行可占恩例者率以富人之子  
充之其間有冒賞者至為人所訟故有是命 十八日  
右朝散郎前知建康府王循友特貸死免籍沒家財送  
藤州安置男右承奉郎前主管書寫機宜文字浚追兩



官勒停特除名弟右文林郎新奉國軍節度推官循訓  
追四官勒停特除名送雷州編管右朝散郎新添差通  
判饒州韓參追兩官勒停特除名送德安府編管武經  
大夫劉葵武節大夫新差充廬州駐泊兵馬都監杜浚  
各特降一官初循友在任常斷配宰臣秦檜族人檜街  
之遂興此獄既而棘寺言循友盜取官錢受所部乞取  
金銀冒請宣借口券入已減價詭名收買沒官產業違  
法差韓參主管機宜文字因與叅謗訕朝廷循訓與浚  
偷盜官錢而循友不覺察劉葵杜浚受循友差權抽解  
場回易庫各依隨循友擅取沙板竹木及虧價收買絹  
帛入已故有是命 二十二日知衢州王曠放罷以曠

在任盜發所部措置乖方至是宰執進呈故有是命

七月十一日右奉議郎王義賓特降一官以前任衢州通判失覺察獄司不以時申報病囚至死損故也 十

一日左朝奉郎直徽猷閣程敦厚落職依舊官觀令靖州居住臣僚論敦厚昨以起居舍人兼權中書舍人行詞多為溢美以取媚權貴故也 十三日左承議郎充

敷文閣待制知成都府蕭振落職放罷依舊官觀池州居住以臣僚論振曩緣趙鼎用事倡為專門之說振阿附之自謂其曲學出於程頤藉為仕進之梯故有是命振知台州日當落職放罷池州居住今復責於此云 八月二十三日左朝請郎朱輅特降一官以前權發遣

綿州將請到酒差兵級越界貨賣會赦乃有是命 二  
十八日右朝散大夫陳朴特降兩官仍銜替以前知衡  
州失覺察推司不將病因申提刑司遂致死損故也  
九月十七日京西路轉運判官魏安行放罷以刑部劾  
前知滁州妄奏開耕荒田二千二百餘頃今本州具到  
實開耕數止及四百餘頃既不應賞格其已轉官合行  
改正上諭宰執曰如此誕妄不可不懲乃有是命 十  
一月二十三日知平江府李朝正放罷以臣僚言朝正  
身以侍從置散校杖與郡與土蒙往來故也 二十六  
日右奉直大夫直祕閣兩浙路轉運判官韓璉放罷以  
臣僚言璉堂吏之子其弟璉見為堂吏窺伺朝政曹泳

除貳版曹臨安府闕官璉謂泳曰某旦夕當為之且以朝廷機政豈容小人探伺漏泄深為不便故有是命

十二月二十一日度支郎官曹怡放罷以怡轄下倉庫無不擅擾嘗換教盜支上色俵米至百數石為戶部侍郎曹泳所劾故也 二十五年七月六日知婺州李琛

大理司直李璟並放罷臣僚論琛到官之後減剋軍兵請給幾至生變其弟璟見任大理司直專伺朝廷事机密報乃兄故有是命 十三日知平江府湯鵬舉放罷臣僚言鵬舉治郡無狀故有是命 十六日前知靜江府廣西經畧安撫呂愿忠與官觀漳州居住以臣僚言於額外買馬增千餘匹不知初欲何為及有召命方以

進獻為名故有是命

八月三日左朝散大夫汀州居

住趙令矜追一官勒停令南外宗正司委官專一拘管

初令矜正月十五日夜召衢州教授莫汲觀月因汲陳

告謗訕法寺鞠實故有是命

七日朝散大夫直祕閣

楊模特降一官落職以寄居台州黃岩縣有產業在縣

不依上戶輸納科敷會赦乃有是命

十月二十三日

權戶部侍郎兼知臨安府曹泳可特勒停新州安置二

十六年正月二十四日移吉陽軍編管臣僚言泳以秦

檜親黨進由武弁致身從班招權怙勢故有是命

二

十九日右通直郎顯謨閣韓彥朴特降一官以毆擊故

父府存留將校因病致死故也

十一月四日右承事

郎趙汾特降一官臣僚言汾故宰相趙鼎之子窺伺朝  
事故有是命十五日宗正寺丞鄭裨太常博士曹冠  
並放罷臣僚言枬因父典藩專事請託冠憑恃權勢傲  
忽凌人今冠為檢正枬為奉使乞行罷黜故有是命

二十七日敷文閣學士王會與宮觀以臣僚言秦檜薨  
子熺陳乞王會知建康共辦父之葬事乃云庶得相聚  
照頤家屬建康守臣一路軍民所寄事體非輕若止為  
私家相聚朝廷何賴乞差會自陳宮觀與熺共集檜之  
塋事故有是命同日知太平州王珣知宣州王鑄知  
廬州鄭僑年權知嚴州鄭震知明州方滋並放罷以臣  
僚言珣為郡守受人生日餽獻鑄為浙西監司畧不中

明迴避僑年專奉權勢震為福私買市舶物貨滋自福  
移廣厚遺權貴之家故也 二十八日國子祭酒張扶  
放罷以臣僚言扶附曹泳改官及位正言專為泳報私  
怨故有是命 同日知邵州林機放罷以臣僚言緣軍  
相姻婭進躐清要自信移邵憤形于色故有是命 十  
二月一日資政殿大學士鄭億年端明殿學士鄭仲熊  
依舊宮觀臣僚言億年父為宰相身為近臣不能捐軀  
圖報乃甘事逆臣劉豫既還朝大臣力與為地高爵重  
祿坐享累年仲熊緣大臣為姻婭致身右府故有是命  
二日敷文閣直學士右太中大夫提舉江州太平興  
國宮徐宗說落職罷祠以臣僚言宗說身位版曹為時

相營田產故有是命 同日左通直郎敷文閣待制提  
舉江州太平興國宮曹筠落職罷祠以臣僚言筠黨附  
秦檜薦為臺臣凡有奏陳盡出於檜故有是命 同日  
敷文閣直學士徐琛落職罷見任官觀以臣僚言琛縱  
子請託干預郡政緣大臣私於親黨猶得以峻職奉祠  
而去故有是命 四日敷文閣直學士宋玘落職二十  
六年十月二十七日責授果州團練副使梅州安置臣  
僚言玘恃大臣之知己逞其姦克雖加譴逐復起廢知  
建康專事培植克奉祠而罷猶玷高華之選故有是命未  
幾言者再疏其罪遂遠竄云 六日知紹興府趙士彰  
知温州高百之並放罷以臣僚上言士彰旦能為時相



家作媒畢婚嫁故連作帥臣進陞祕職百之初無履歷  
與秦垧為姻家附麗權勢驟為提學總守鄉郡故有是  
命 二十二日敷文閣學士提舉江州太平興國宮王  
會落職罷宮觀特勒停送循州編管二十六年十月二  
十七日移送瓊州編管臣僚論會恃檜與煇之親黨致  
身禁從出守便郡廣置田宅貪求錢物籍人家財盡取  
其書畫古器怪石入已大煙取寄居侍婢及令進納人  
造舟用錢五千餘緡不支價直却令請囑不法公事得  
錢萬緡以償之等事乞重賜竄逐宰執進呈上曰會所  
至狼藉止緣恃秦檜之勢乃敢如此可與廣南編置故  
有是命既而移送海外編管云 二十三日直祕閣准

東提舉常平茶鹽齊旦直祕閣添差平江府通判王伯  
庠並落職放罷以臣僚言旦附權臣苞苴無虛日倍收  
頭子錢減剋鹽本錢以資妄用伯庠恃王會之親故有  
是命 二十四日詔知荆南孫汝翼病廢日久全不視  
事唯是專恣妄作為一方害四川提舉茶馬鄭鑑不修  
職事唯務培植可並罷 同日直祕閣新知無為軍張  
永年放罷以臣僚言永年夤緣權貴姻婭僥冒職名其  
父名閣更不迴避冒榮居官故有是命 二十六年正  
月九日禮部侍郎王珉吏部侍郎徐嘉並放罷以臣僚  
言珉等皆以附會秦檜故也 十一日前大理少卿張  
曦左宣教郎鮑安世與遠小監當以臣僚言曦附會曹

泳極力取媚安世權攝餘杭縣令不恤民事專為曹泳  
理債故有是命 二十一日權工部侍郎丁寔明放罷

以臣僚言寔明以秦椿之親黨躡登清要項為接伴經  
過鄉里輒獨由私路以往焚黃故也 二十三日知婺

州李椿年放罷臣僚言椿年頃議經界政欲均天下之  
稅而乃私結權貴曲庇家鄉嘗為論罷矣近起廢得宣  
州繼移婺州所至益肆剝剝如結甲以納苗米一有惡  
米則同甲之米悉行沒納如置園以市豬羊一或不好  
則儘散官屬尅其請俸於是黜之 二十四日知楊州  
樓璘放罷以臣僚言璘不遵稟指揮擅將北使食頓令  
泰州管認故也 二十八日度支員外郎孫祖壽幹辦

諸司糧料院蘇鑒幹辦諸司審計司王燁並放罷以臣僚言祖壽等皆以交結王會故也 二月二日權兵部侍郎沈虛中放罷以臣僚言虛中為省試叅詳官令人吏私越圍牆密報秦燔已取塤為省元故也 二十八日前知衢州王曦今建昌軍居住前知靜江府呂愿忠責授果州團練副使封州安置以臣僚言曦守三衢下行買物不支價錢盖恃親黨之援愿忠召還席卷公庫嘗為臣僚論列乃以貨納于大臣求免故有是命 三月一日司農寺丞王炎放罷以臣僚言炎往浙東發池鹽事以奉使為名致諸鹽客遂有改鹽法之言中外疑惑故有是命 十八日權禮部侍郎周葵差知信州禮

部郎官呂廣問放罷皆以臣僚論其懷私故也

二十

二日右司郎中鍾世明祠部郎官陳岩肖並放罷以臣僚言世明見李椿年為經界遂求為幹官岩肖為秀州教授為秦檜父立祠堂故也

四月八日浙西提刑謝

邦彥浙西提舉司馬倬大理寺丞石邦哲並放罷石朝

叢郎曹雲令郴州居住以臣僚言雲等習傳妖幻之術

故有是命

四月十三日直祕閣前知太平州王昉直

祕閣前知廬州鄭僑年直祕閣前知嚴州鄭震直敷文

閣前知明州方滋直龍圖閣前知紹興府趙士彰直祕

閣前知温州高百之直徽猷閣前知湖南運判龔鑒直祕

閣前知荆南孫汝翼直祕閣前四川提舉茶馬鄭靄直

祕閣前差權發遣無為軍張永年並落職以刑部開具  
自去年郊祀後臣僚論列放罷監司郡守等人再有是  
命 二十七日敷文閣待制陳楠落職臣僚言楠項緣  
大臣之妻及子好方士之說楠因奉道求合故也 五  
月十三日宗正少卿張修放罷臣僚言修頃寓衢州日  
曹泳嘗攝酒官贓污不法監司郡守欲按其罪修曲為  
營救遂得幸免逮泳進用因緣以進故也 六月十一  
日敷文閣待制錢周材落罷以臣僚言周材自為中書  
舍人充修徽宗實錄修撰迺對同管詆毀故也 十二  
日添差浙東叅議官方雲翼放罷閏十月四日特追三  
官勒停送袁州編管臣僚言其寄居秀州脅恃守臣奪

取他人膏腴之產及任通州倖置買田畝至於三十餘  
頃故有是命 十八日敕文閣待制提舉江州太太興  
國宮符行中落職罷宮觀臣僚言行中緣通判温州交  
結故相累冒監司之選逮帥成都五年舊欠既有指揮  
放免行中輒廢格詔令督責急如星火蜀人怨之故有  
是命 二十六日右朝散大夫葉遵特追兩官勒傳送  
郴州編管遵昔倖均州將遠接兵級吏敢不盡錢米入  
已為守臣所劾故有是命 七月二十九日知衢州錢  
端禮放罷以本路漕臣言端禮在任違法故也 八月  
一日右朝奉郎前提舉淮東常平茶鹽齊旦特追兩官  
勒停以提舉常平朱冠卿言旦在官不法凡一十五事

體究得實故也 八日右朝散大夫主管台州崇道觀  
傅寧罷宮祠以提舉茶鹽朱冠卿言其前任真州科率  
人戶竹木起造倉屋不即支還價錢故也 九月二十  
二日大理少卿張燾放罷以臣僚言近者臨安府猪羊  
牙人徐友仁等二十餘人率飲錢物結託公吏降旨送  
寺根治燾信憑人吏出入故也 閏十月四日左朝請  
郎王彥傳右朝散郎鄭枬特勒停彥傳送靖州枬送辰  
州編管臣僚言彥傳權臨安府通判往衢州體究趙令  
衿公事招人告訐以興大獄枬父滋數典大郎而年老  
枬皆干預郡事故也 同日右奉直大夫晏孝本罷知  
永州仍令全州根究依法施行以本路運司覈其在任



不戢子弟干預郡政故也

七日知饒州董弇真州吳

棨並放罷臣僚言弇比到饒州溺于倡樂不以民事為

意棨近到真州親隨數輩冒名權攝故有是命

十一

日右承議郎劉伯英勒停送連州編管以臣僚言伯英

曾任湖南提舉常平日有衙前兩名以盜官錢繫獄未

決伯英釋放免追其錢各取其女而歸故有是命

十

一月五日右通直郎司馬倬令吏部與遠小監當以臣

僚言魏良臣知紹興府倬往依之干撓郡政曰與其子

弟飲宴非所故有是命

二十七年四月二日司封郎

中吳武陵放罷以臣僚言武陵為太學博士日塗改長

貳判狀故也

五月六日權工部尚書王侯為敷文閣

待制提舉江州太平興國宮臣僚言侯為版曹差妻黨  
宋敷監酒庫不避嫌故也 十二日前浙西提刑杜師  
旦特勒停送道州編管臣僚言師旦聽事則令胥吏長  
跪以呈文書出謁則令鄉兵前列鼓吹後隨詣學則席  
地行轎令倡優雙引入寺則危據講座令僧徒羅拜僭  
侈狂怪故有是命 七月三日新潼州府路轉運判官  
李宏與宮觀臣僚言宏與故相雅故使知合州子弟干  
預政事故也 八月十一日從義郎閤門祇候王彥昇  
特降兩官以彥昇不毀銷金服飾為女使所告也 九  
月十四日右通議大夫敷文閣待制致仕林乂落職依  
舊致仕以臣僚言乂昔以附會故相而進今既告老干

求州縣故也

二十一日起居郎唐文若除外任臣僚

言文若倨傲故也

十月三日左朝散大夫提舉台州

崇道觀劉岑左朝請大夫直祕閣主管台州崇道觀林  
大聲並罷宮觀內大聲落職皆以臣僚言其囑託州縣

故也

二十七日權吏部侍郎葛立方放罷臣僚言立

方身為長貳輒為其子弟郭越新制用舉狀故有是命

十一月十六日湖南提刑趙士鵬夔路轉運判官王

玨並放罷皆以臣僚言其附會故相父子多致餽遺故

也

十二月二日禮部侍郎周方崇兵部郎官李庚工

部郎官褚籍並放罷劉天民范成象留觀德永不得與

堂除差遣臣僚言其因中丞湯鵬舉而進相為表裏故

也 二十三日太府少卿黃權檢正陳授放罷以臣僚  
言授昏老故也 二十八年正月二十四日淮東提舉  
茶鹽朱冠卿放罷今後不得與監司差遣以臣僚言冠  
卿由秦州通判就遣本路提舉以私意怙沒人家積下  
鹽本錢八十萬不散還亭戶致訴之於朝故也 二十  
九日右朝請大夫龔鑒特勒停令桂陽軍居住以臣僚  
言鑒交結王會遂得美除昔守盱眙專求珍貨取媚權  
要故也 七月十二日權戶部侍郎徐林放罷以臣僚  
言林所管戶部酒庫虧損年課故也 二十九年正月  
十一日右武大夫容州觀察使荆南路副總管傅選責  
授靖州團練副使惠州安置以選自到任以來買銀帛

什物不還價錢專恃克威恣為貪暴以知潭州魏良臣  
按發也 三月十八日權吏部侍郎劉章與宮觀以臣  
僚言章令部胥市絹故也 二十一日右中大夫直顯  
謨閣向子國降兩官以違法占買湖州慧覺寺墓田寺  
僧訴之憲臺具獄來上故也 二十二日欽州編管人  
康與之移送雷州繼又移送新州牢城收管先是與之  
居貶所與土人交爭移雷州因願覓負擔夫毆打致死  
故特有是責 同日知廣州何弃降一官放罷以弃容  
留編管人康與之在州託疾拖延兩月不交付雷州故  
也 五月九日昭化軍承宣使錢愷降一官與在外官  
觀以愷以私錢轉託軍中營運故也 六月十二日知

洪州施鉅與宮觀以臣僚言鉅所部洪之水軍賴之步  
兵皆不以為意遂成虛設故也 二十三日直祕閣知  
明州趙善繼放罷臣僚言善繼違制擅差使臣措置酒  
務及犯私酒之家毀折屋宇納錢至千緡故也 閏六  
月六日左中大夫充敷文閣待制知福州沈調落職降  
一官知袁州葛立方並放罷臣僚言調因弟該執政躡  
帥七閩張大海寇以為己功賣安撫司監督責嚴酷立  
方因緣沈該旋至侍從故也 七日戶部郎中莫濛送  
吏部與監當差遣以江浙淮南富民冒占沙田蘆場遣  
官打量濛被差奉行失實故也 同日左朝奉郎知和  
州俞畢放罷以淮南運判張祁劾奏畢違戾寬恤指揮

故也 八月一日中書舍人張孝祥與外任以臣僚言  
孝祥輕率故也 二十一日直龍圖閣新知洪州蘇簡  
直祕閣知廣州向子志並落職放罷以臣僚言簡前帥  
廣東抱疾未嘗出廳子志知道州衡州皆為監司按劾  
而罷為湖北憲又為總領司奏劾落職而罷故也 三  
十年二月二十九日江東提舉常平王義朝放罷臣僚  
言義朝承朝廷指揮出賣沒官田產措置乖謬故也  
十三日知常州莫伯虛通判梁興祖各降一官放罷判  
官蘇延壽推官趙伯說各降一資戶部言二十九年分  
合起上供諸色窠名內常州拖欠三十七萬八千九百  
八十餘貫米四千餘石料七萬四千八百餘口絹四百

六十一尺故並及責 同日右宣教郎施興祖特降一  
官仍依餘替人例施行 三月九日出火祀大辰興祖  
以榻太官令不度攝監察御史彈奏故也 十四日戶  
部侍郎邵大受與外任以臣僚言其須諸酒庫妄行措  
置故也 四月八日廣西提刑王孝先降一官放罷臣  
僚言其取悅權貴故也 七月三日知池州趙不如知  
撫州周積並放罷永不得與堂除差遣皆以臣僚言其  
治郡無狀故也 十一日給事中王晞亮與外任以臣  
僚言其每革自負桀傲故也 十六日左司郎中方師  
與放罷以臣僚言其為軍士兼領贍軍酒庫辟差官屬  
多出權門故也 八月十二日吏部員外郎祝公達刑



部郎中黃子淳並放罷以臣僚言公達曾任建州教官宴飲無度子淳頃為大理寺丞以漏泄斷刑故遂黜之

十四日知婺州章夏除在外宮觀以臣僚言夏專與大臣為交黨到任以來多廢弛故也 十月三日新知

和州施堪新知河州周奕新知全州宋晟新知潮州蘇文瓘並放罷皆以臣僚言其治郡亡狀故也 十七日

劉寶罷都統制添差福建路副都總管福州駐劄以臣

僚累言寶多差軍士往湖廣販賣回易去年鎮江火寶乃閉壁下令輒出救者死城中為之煨燼故責之 二

十七日太府寺丞陸禔放罷以臣僚言其以醫術治軍

臣湯思退母疾有瘳而擢寘丞列故也 三十一年正

月二十四日直祕閣淮南西路轉運判官張祁落職依  
前官以臣僚言祁在官無稱故也 二十七日知建康  
府韓仲通放罷以臣僚言仲通家法文深頃在疎寺專  
阿附故相故也 二月二十五日教文閣知平江府朱  
翌放罷臣僚言翌在宣城委政官屬緣支軍人衣糧幾  
至生變故有是命 三月十四日忠州刺史兼閬門宣  
贊舍人知郢州馬羽放罷羽到任纔半年輒令巡尉部  
領軍兵下鄉縣所伐官私竹木又令巡尉司借人夫耕  
牛拖運下河違法騷擾至是本路轉運司提刑司劾奏  
故罷之 二十一日新知興國軍鍾鍾新知邵州向澈  
並放罷以臣僚言鍾年過七十澈頃嘗倖臨汀與鍾同

時相先後其在任諸邑蓋相若也故並罷之 四月八日廣南東路轉運判官鄭安泰放罷安泰嘗知肇慶府邵州不恤郡政故也 五月十二日太府寺丞趙復放罷臣僚言其不事事故也 七月四日大理少卿孫敏都修官郎中周楙並放罷以言者論敏修冒進卿列楙為郎曹徇私故也 十日帶御器械劉及送吏部與在外合入差遣坐言語狂怪而辭避職事遂因臣僚論列故有是命 十八日知濠州劉光時階官遙郡上各降一官特降授武顯大夫吉州刺史差遣如故臣僚言光時將平人入吾界者皆謂之盜而殺之反奏功希賞故有是命 八月四日淮南轉運副使王矩與宮觀臣僚

言相自言諳練戎事願得步騎五千求試方畧輕肆大  
言故也 十一日昭慶軍承宣使致仕王繼先依舊致  
仕福建居住子孫並勒停臨安府内外第宅田園房廊  
有司令行拘籍強買奴婢悉放逐便諸寺院所立生祠  
亭臺一切毀拆以臣僚論繼先有十不容誅之罪大畧  
謂廣造成都内第宅房廊侵奪公私田宅屋舍擅毀敕  
額寺院占據官司運河強買良民婦女陰養無賴惡少  
與子弟富人冒求官爵與寺院刑獄通行財賂各有實  
狀於是斥逐之 九月八日大理寺丞程遜提轄雜買  
務雜賣場求多見並放罷臣僚言遜縱人請記多見私  
市物貨故也 二十七日知榮州司馬備知長寧軍劉

忱新知果州杜長慶新知榮州李進並放罷以臣僚言  
備等不法故也 十月十一日新淮南轉運判官莫濛

降一官放罷尋詔特勒停先降旨令隨王權軍應辦錢  
糧而經兩月尚未起發故也降一官放罷既而臣僚言  
其罰太輕再有是責 二十四日直敷文閣湖北路轉  
運副使李植落職放罷以臣僚言近降指揮令隨田師  
中應副軍糧師中罷吳拱代之到即調發植自合隨軍  
乃謂無明文致拱師行糧運有闕故有是命 二十九  
日戶部侍郎劉岑除徽猷閣直學士提舉江州太平興  
國宮未幾落職依舊宮觀臣僚言岑在版曹事多徇私  
放罷宮觀再論落職云 三十二年二月二十三日中

侍大夫榮州刺史劉光輔令樞密院別與差遣以臣僚  
言其寄居平江侵奪民產干擾州縣故也 閏二月八  
日知太平州湯鵬舉令致仕朱翌除太平州新命吏不  
施行臣僚論鵬舉在任作威福以恐官吏於是朝廷以  
翌代之翌亦坐論列故有是命 十七日司農寺丞趙  
伯魚監登聞檢院林仰並放罷以臣僚言伯魚監簽判  
婺州無所忌憚仰知海鹽縣附勢虐民故皆黜之